

說郛卷第二十八

遂初堂書目 一卷全抄

宋尤袤 字延之

夫結繩既代圖籍肇興纒領有作典章爰著周官所掌三皇五帝之書楚史能通八索九丘之故韓子東聘始見舊經李叟西游僅窺藏室志昆丘之放者固已繆悠探禹穴之奇者曾何彷彿遐哉邈矣有足徵乎更秦焚滅之餘遭漢搜揚之盛輶軒徧於天下竹簡出於壁中世主之所討論羣儒之所綴緝前稱七略末有中經劉蒼終莫得之黃香所未見者罕歸私室悉入內朝然自雒邑初遷多從亡逸建安重擾半雜煨塵近則散落閭閻遠或流布海宇繇是博雅君子薦紳先生踵尙風流迭相傳寫壯武牛車兼兩鄴侯籛裘累萬雌黃審其未正殺青存夫不刊而家藏之積殆與中祕侔矣且夫商盤周鼎世以爲古而無適時之用鼂采夜光人以

爲瑤而非蓄德之具識天道之精微揆人事之終始窮物理之變化者其唯書乎故六藝立言之訓九流經世之要傳註之學辭賦之宗伎巧之方族姓之考齊諧之志丘里之談雖云殊途皆有可用誠應世之先務資身之大本歟晉陵尤延之始自青衿迨夫白首嗜好旣篤網羅斯備日增月益晝誦夕思重之不以借人新若未嘗觸手耳目所飫有虞監之親鈔子孫不忘多杜侯之手校表層樓而儷富託名山而共久不已盛乎若其剖析條流整齊綱紀則有目錄一卷甲乙丙丁之別可以類知一十百千之凡從於數舉僕雅竊通書之好每資餘燭之光猥辱話言屬爲序引研精覃思固不逮於揚雄單見淺聞復有慚於袁豹勉濡翰墨祇塵簡牘而已太末毛升平仲序

經總類

成都石刻九經論語孟子爾雅

杭本周易

舊監本尙書

京本毛詩

舊監本禮記

杭本周禮

儀禮

舊監本左傳

杭本公羊傳

杭本穀梁傳

舊監本論語

舊監本孟子

舊監本爾雅

舊監本國語

高麗本尙書

江西本九經

六經圖

朱氏新定易書詩春秋古經

周易類

周易正義

晁氏古周易

呂氏古周易

吳氏古周易

程氏古周易攷

乾鑿度

漢焦氏易林

漢京氏易傳

易緯

郭璞洞林

易元包

關氏易傳

關氏洞極經

王弼窮微論

易髓

唐陸希聲易傳

周易玄談

易外義

易啓玄

易啓源

易銓

唐李鼎祚易解

易舉正

易物象辨疑

陸希聲易微旨

麻衣道者易

易索

皇甫右丞易

大易粹言

劉攽易傳

劉攽易數鉤隱圖

程氏易傳

繫辭精義

橫渠易說

游定夫易說

李郁參同契

陳氏辨鉤隱圖

張弼易傳

了齋易說

朱子發易說卦圖

呂與叔易傳

許嵩老易傳

晁說之太極外傳

董氏易學

鄭氏易窺餘

鄭東卿易疑難圖

陳氏易傳

胡氏易演聖通論

歐氏童子問

錢述易說易斷

程迥易章句易疑問

李舜臣易本傳

李莊簡易說

李直院易解

程尙書易原

朱氏易本義

玉泉易解

張忠獻易

誠齋易傳

程迥古易傳

程迥易古占法

林黃中易傳

金華先生易辨疑

李氏易辨證

王存易解

齊博士易解

四李先生易解

易義海

易訓說

歸藏經

坤鑿度

周易通卦驗

卜子夏易傳

張弼解卜子夏易傳

晉干寶易解

魏管輅易傳

唐一行易集解

易龜圖

王文公易傳

蘇文忠易傳

楊龜山易傳

尙書類

古文尙書

尙書大傳

汲冢周書

三墳書

三皇書

續尙書

尙書正義

蘇氏書傳

葉氏書傳

吳氏書稗義

九疇圖

胡氏書演聖論

吳氏書傳

程尙書禹貢圖論

尙書治要圖

王文公書傳

胡氏書傳

孫氏書傳

詩類

鄭氏詩譜

韓詩外傳

陸璣艸木蟲魚疏

毛詩正義

唐成伯瑜毛詩指說

成伯瑜毛詩斷章

唐張邵詩別錄

宋咸毛詩正紀

歐陽氏詩本義

歐陽氏續詩譜

董氏詩攷

吳棫毛詩補音

裴氏詩集傳

橫渠詩說

范太史詩解

蘇黃門詩解

詩德義

朱氏集傳彙

陳少南詩解

張直父詩解

呂氏讀詩記

禮類

大戴禮

禮記正義

周禮疏

儀禮疏

陸右丞儀禮正義

呂與叔禮記解

李氏禮記精義

十先生中庸解

二郭中庸說

龜山中庸解

胡安定中庸解

玉泉中庸大學

朱氏中庸大學

四先生中庸大學解

陸左丞禮書

陳祥道禮書

禮論

禮記外傳

深衣制度

余氏井田王制圖

三禮義宗

聶崇義三禮圖

太平總要

周禮名數圖

呂與叔中庸再解

江都集禮

唐閣元禮

閣元禮義羅

禮義鏡

五禮義鏡

閣元禮百問

五禮精義

禮閣新儀

續曲臺禮

杜氏禮略

真禮

三禮駁議

開寶通續

太常新禮

太常因革禮

政和冠昏喪祭儀

政和五禮新儀

政和五禮新儀撮要

郊廟奉祀禮文

中興禮書

紹興禮器圖

古今家祭祀

四家禮範

二禮雅言

五禮考亡

續禮議

廟議釋疑

朱子發廟議

王普廟議

吳仁傑禘祫議

帝王經世圖譜

陸右丞禮象圖

王文公周禮新經

李格非禮記精義

樂類

樂髓新經

古今樂錄

歷代樂議

樂苑

大樂令壁記

樂本書

大樂圖議

大樂指掌

三均手法

樂要

補亡樂書

樂府雜錄



樂府解題

樂府廣題

胡瑗樂議

皇祐廣樂記

景祐廣樂圖記

皇祐景祐樂議

元豐大樂記

大晟樂書

吳仁傑樂舞新詩

琵琶錄

樂府古題要解

續樂府解題

元祐樂議

元祐祀典樂歌

琴經

止息譜

春秋類

左公穀傳并釋文

國語

左氏膏肓

春秋決事比

春秋繁露

汲冢周書

隋劉炫左氏述議

杜氏釋例

春秋公子血脉譜

左氏正義

公羊正義

唐陸淳纂例

陸淳微音

陸淳辨疑

唐陸希聲通例

春秋加減

唐盧仝摘微

春秋名例

孫復尊王發微

鄒浩春秋邦典

春秋四譜

胡旦演聖通論

劉氏權衡意林說例并傳全

孫氏傳

葉氏傳

蘇氏傳

胡氏傳例通旨全

崔氏傳本例要全

許嵩老傳

王文公左氏辨

春秋五代例宗

伊川程氏傳

劉絢春秋學

高柳崇傳

朱長文通志

畢良史正辭

王彥光集傳

張忠獻春秋說

林栗集傳

王鎡門例通解

蕭子荆春秋經辨

洪忠宣春秋紀詠

程迥顯微例目

左氏事類

春秋經傳類賦

春秋列國諸臣傳

名號歸一圖

春秋總論

春秋年表

春秋穀梁正義

春秋會義

論語類

李經孟子附

古文孝經

鄭玄註孝經

唐明皇注孝經

司馬溫公古文孝經指解

范太史古文孝經解

蔡子高注孝經

孝經疏

孔子家語

古注孝經論語

晉欒肇論語駁

梁皇侃論語疏

論語正義

韓文公論語筆解

宋咸增注論語

王逢源語孟解

程氏語孟說

龜山論語解

穎濱論孟拾遺

五峯論孟指南

晁以道論語講義

許嵩老論語訓詁

張南軒論語說

王居正論語感發

吳材老論語續解并考異

尹和靖孟子解

語孟集義

王元澤論語解

潘石論語解

葉氏論語釋言

史丞相論語口義

王信伯論語解

七家孟子講義

蘇文忠論語傳

呂與叔論語解

小學類

郭璞注爾雅

孫炎注爾雅

孔鮒小爾雅

晉張揖博雅

陸佃埤雅

爾雅正義

呂忱字林

劉熙釋名

揚雄方言

吳領夷義訓

舊監本許氏說文

徐鍇說文

急就章注

開元文字音義

五經文字

九經字樣

陸德明經典釋文

羣經音辨

顏之推正俗音字

干祿書

郭氏佩鱗

王氏引經字說

字說解

字說分門

玉篇

廣韻

分韻五篇

類篇

四聲韻類

聲韻類例

徐鍇說文纂韻

龍龕手鑑

班書韻編

王氏續古文韻

古篆韻

夏英公古文韻

纂注韻

鍾鼎千文

張有復古編

韋昭辨釋名

隸續

隸釋

隸韻

王元澤諸經爾雅

吳棫韻補

張有重編韻譜

正史類

川本史記

嚴州本史記

川本前漢書

吉州本前漢書

越州本前漢書

湖北本前漢書

川本後漢書

越本後漢書

川本三國志

舊杭本三國志

舊杭本晉書

川本晉書

舊本南史

舊本北史

宋書

南齊書

梁書

陳書

魏書

北齊書

後周書

舊杭本隋書

舊杭本舊唐書

舊杭本前唐書

川本小字舊唐書

川本大字舊唐書

舊五代史

新五代史

編年類

竹書紀年

袁宏後漢紀

晉陽秋

晉春秋

魏典

宋略

梁太清紀

唐歷

大統略

馬總通歷

續通歷

續稽古錄

古今通要

稽古錄

累代歷年

歷年圖

紀年通譜

續紀年通譜

編年通載

帝王銓要

晁氏紀年

歷代年運

疑年譜

古今年號錄

通鑑外紀

五代開皇紀

川本小字通鑑

川本大字通鑑

通鑑目錄并考異

通鑑舉要歷

通鑑釋文

通鑑紀事本末

荀悅漢紀

帝王要略

續帝王寶運錄

兩朝編年

通鑑前例

雜史類

古史

高氏小史

舊杭本戰國策

遂初先生手校戰國策

姚氏本戰國策

鮑氏注戰國策

戰國策補註

越絕書外傳

東觀漢紀

春秋後語

帝王世紀

九州春秋

吳越春秋

姬吳書

北齊史略

大業拾遺記

大業雜記

煬帝開河記

隋季革命記

唐創業起居註

貞觀政要

平陳記

太宗建元事迹

高宗承祚寶錄

開天傳信記

明皇雜錄

開寶遺事

明皇幸蜀記

明皇編遺錄

天寶西幸略

唐補紀

東觀奏記

唐補史

唐闕史

乙卯記

甘露野史

唐中興新書紀年

彭門紀亂

薊門紀亂

邠志

燕南記

妖亂志

建中河朔記

河洛春秋

河洛紀

江淮紀亂

天祚永歸記

平蔡錄

奉天錄

方鎮錄

貞陵遺事

開成承詔錄

唐年小錄

異域歸忠傳

元和朋黨錄

太和辯謗錄

汴水滔天錄

金鑿密記

唐末汎聞錄

傳載

會昌伐叛記

咸通解圍錄

五代史補

五代遺錄

新野史

五代史闕文

天下大定錄

入洛記



莊宗召福記

范質石晉陷蕃記

越絕書

三國典略

續小史

吳競唐書備闕記

河南記

唐國史纂異

故事類

唐朝綱領圖

元和國計錄

唐國鏡

歷代宮殿名

文宗朝備問

卓絕記

續卓絕記

文場盛事

賓佐記

景龍文館記

唐選舉志

唐登科記

五代登科記

本朝登科記

皇族登科記

雜傳類

穆天子傳

王子年拾遺記

漢武故事

漢武內傳

西京雜記

梁四公記

趙飛燕外傳

楊太真外傳

則天外傳

牛羊日歷

漢刁間傳

唐柳氏敘訓

兩朝獻替記

中樞龜鑑

郭汾陽家傳

李鄴侯家傳

相國事狀

彭城公故事

杜棕歷官錄

許國公勤王錄

列女傳

文士傳

高士傳

正始名士傳

襄陽耆舊傳

會稽先賢傳

孝史

會稽先賢贊

三相遺事

昭義記室別錄

零陵先賢傳

高力士外傳

楊貴妃遺事

梅妃傳

中朝故事

李靖行狀

狄梁公家傳

顏魯公行狀

顏魯公歷官狀

顏常山別傳

段太尉別傳

陶隱居傳

彭城公遺事

杜棕事迹

燕吳行役記

江淮異人傳

別本高士傳

偽史類

五代附各國史後

華陽國志

和苞漢趙記

十六國春秋

三十國春秋

江表志

十國紀年

十國載記

五國故事

九國志

吳越會粹

淝上英雄小錄

三楚新錄

蜀記

劉氏興亡錄

燕書

南唐書

釣磯立談

楚錄

江南野史

南唐近事

蜀檣杌

天下大定錄

海東三國通錄

錢鏐備史

蜀書

國史類

三朝國史

兩朝國史

四朝國史

神宗國史

哲宗國史

樂官職志一册

秦陵國史臣傳彙

李秀岩國史臣傳彙

史館修四朝臣傳彙

續通鑑長編

續長編舉要并攷異

國紀

東朝事略

九朝通略

編年全要

聖政編年

兩朝寶訓

三朝寶訓

仁皇訓典

君臣政要

神宗聖訓

高宗聖政

孝宗聖政

徐燾紹興聖政寶鑑

趙善防孝宗政要贊

五朝隆平集

國朝事實

國朝撮要

分門要覽

太平盛典

兩朝編年

祖宗故事

泰陵玉牒

元祐七年八月日歷

熙寧日歷艸

裕陵中書時政記

裕陵密院時政記

神宗御批

神宗學士院御批

濮議

元符時政記

永熙寶訓

元祐詔旨

哲宗實錄辨証

黨人記

紹聖指揮

元符紹聖間筆錄

元祐建中宮錄

瑤華廢復記

元符行遣節目

宣仁日歷

宣仁事實

紹聖錄

符建錄

崇寧錄

靖康雜錄

皇祐平蠻錄

甘陵誅叛錄

征南錄

平蜀錄

邇英記注

欽宗與吳敏御筆

北征紀實

兩國交聘書

大觀詔令

中興日歷

中興記

崇寧行遣上書人指揮

建炎龍飛記

趙丞相扈從錄

元帥府事實

復辟詔冊

張參政省記

建炎時政并元帥府事迹

權邦彥記聖語

巫伋記聖語

孫近李光等記聖語

張浚王陶等省記時政

祈請語錄

回鑿事實

紹興雜錄

岳侯斷案

錢處和通好事節

呂源增釋故事

御製蔡確傳

錢處和淮東宣諭錄

丙午錄

本朝雜史

建隆遺事

祖宗獨斷

溫公譏聞

溫公朔記

儒林公議

王文公日錄

曾子宣日錄

蔣穎叔逸史

林子中野史

蔣穎叔日錄

續逸史

蔡條國史後補

曾子宣正論

續溫公齋記

王岩叟繫年錄

錢文僖筆錄

錢文僖逢辰錄

趙康靖日錄

王岩叟朝論偉論

溫公日錄

呂正獻手記

歐公日記

溫公瑣語

王文公日錄遺藁

王文公送伴錄

王陶東宮記事

歐公奏事

曾南豐雜識

呂吉甫日錄

曾子宣手記節略

文路公私記

李深之手記

范太史史院問目

永樂城事

陳瑩中尊堯集

北狩野史

北狩行錄

痛憤錄

靖康京城事實

背盟本末

吳敏靖康記事

北狩聞見錄

禍胎記

沈瑄南歸錄

華夷直筆

亡遼錄

靖康夜話

朝野僉言

幼老春秋

入燕錄

史略

避戎錄

北記

金國文具錄

平江錄

亂華編

小心鏡

只欲廟一初

中興遺史

中興小律

維揚過江錄

順昌破敵錄

淮西從軍記

宣幙紀事

鼎澧聞見錄

渡江遭變錄

辛巳叛盟錄

回天錄

紹興瀘南兵變錄

瀘南牋天錄

泣血錄

泣血拾遺

痛定錄

內禪錄

陷燕錄

順昌紀事

本朝故事

中書備對

蜀公事始

近事會元

元圭議

鑄錢故事

浸銅要略

慶曆軍錄

邇英要覽

元祐講筵謝御書表

元祐東宮錫極錄

政和曲燕記

誕聖錄

溫公河外詔目

濮議墨守

皇祐平蠻記

裕陵五使長牋

建中靖國進故事

涇原分將論列

元祐分疆錄

元祐棄地復地本末

青唐錄

隴右錄

沈黎備邊錄

富文忠青州賑濟錄

皇親故事



華戎魯衛信錄

戴斗奉使錄

寇城奉使錄

王介父送伴錄

皇祐會計錄

慶曆會計錄

元祐會計錄

張芸叟使遼錄

治平經費節要

淳熙國計錄

錢秦魯長主俸賜錄

乾道國用司月給數

淳熙七年財用錄

戶部諸道歲收數

左藏兩庫約支

至和發運茶鹽須知

國朝運糧數

熙寧發運司事目

國用司錢米會子出納數

景德皇祐祈雨詔書

四川宣撫司財賦兵馬數

廣開隨志

利路營田事目

張貴謨坑冶利害

王渥川奏馬政邊防錄

慶曆編類勳臣姓名錄

淳熙明堂大饗慶成詩

富公奉使錄

富公奉使別錄

劉原父奉使錄

福建盜賊須知

淮西措置事宜

兩鎮還山書稿

本朝雜傳

本朝名臣言行錄

名賢遺範錄

王文正家錄

富文忠家傳

范文正遺事

張齊賢家傳并誌

呂文靖事狀

呂文穆綸告行狀

丁晉公雜錄

歐公履歷告命

韓魏公家傳別錄遺事追榮考德愛棠集

呂政獻十事

唐質肅遺事

韓魏公事實

韓莊敏遺事

申國春秋

了齋言行錄

豐相之遺事

范太史家傳并遺事

韓儀公行狀

孫溫靖告并神道

龔原行狀

晁以道家傳

山谷家乘

周種行狀

范忠宣言行錄

劉元城言行錄

胡安定言行錄

王棣家傳

王岐公家辨誣

邢恕自辨錄

章申公家辨誣

張叔夜勤王記

陳規德安守潔錄

滕公守台錄

陳東事實

趙元鎮自述

向伯恭行狀

滕茂實大節集

陳剛中家傳

中興忠義錄

南軒行實

胡安定五峯行實

梁丞相行實

史彌大言行錄

劉元城家傳神道碑

范覺民事實

晏敦復行錄

王文正遺事

寇萊公遺事

張芸叟南遷錄

葉少蘊自序并制誥錄

游師雄事迹

趙元鎮事實

陳樂間事實

陳了齋自撰墓志并序

呂元直遺事

勤王記

逢辰記

王沂公言行錄

張忠定語錄

安厚卿行實

張右史事實

劉拯行錄

邢恕事實

實錄類

建康實錄

唐十五帝實錄

唐懿祖獻祖紀年錄

梁太祖實錄

漢高祖隱帝實錄

唐莊宗明宗廢帝閔帝實錄

晉高祖少帝實錄

周太祖世宗實錄

太祖皇武紀

重修太祖實錄

太宗實錄

真宗實錄

仁宗實錄

英宗治平紀要

神宗實錄

朱墨本神宗實錄

紹興重修神宗實錄

重修哲宗實錄

蔡卞所修哲宗實錄

重修徽宗實錄

欽宗實錄

孝宗起居注

職官類

應仲豫漢官儀

漢官制

漢官舊儀

劉貢父漢官職選

歷代官號

唐六典

唐典百官職紀

唐任職官品纂要

唐杜英師職核

唐百司舉要

唐錄令

職官要錄

職官分記

職林

唐職林

職官源流要錄

唐典備對

皇宋百官圖

官制舊典

官制沿革

官制正誤

職官紀

溫公官制學制遺藁

本朝官制

官制新典

官制格目

三省總括

具員故事

淳熙裁減舉員數

契丹官儀

金國大定官制

掖垣藁志

集賢注記

唐翰林志

本朝翰林續志

金坡遺事

翰林舊規又雜志

金馬統志

翰林盛事

學士年表

翰院羣書

文昌雜錄

史館故事

唐御史臺紀

御史臺故事

御史臺因話錄

御史臺記事

直廳雜儀

合班儀

本朝重定合班儀

臺儀

咸通御史臺板榜

開運出入儀

本朝御史臺記

館閣錄

中興館閣錄

翰林雜抄

三司條約

熙寧番官東院編敕

續史館故事

元祐戶部格目

蓬山志

麟臺故事

縣務綱目

呂觀文治縣法

江左諸鎮年表

歷代宰相年表

宰輔拜罷表

宰相樞府拜罷表

宰相拜罷編年總括

管軍年表

皇朝百官公卿表

中興百官題名

宰輔年表

儀注類

漢舊儀

漢蔡邕獨斷

崔豹古今注

服飾變古元錄

顏魯公歷古創儀制

馬鎬中華古今注

漢制叢錄

皇朝太常儀注

閣門儀注

本朝儀物

唐郊祀錄

本朝歲祀總數

朝制要覽

南郊式

宣和鹵簿圖

宇文粹中修鹵簿圖

元祐建中宮記

合班儀

六家諡法

王彥威續諡法

皇朝諡錄

尊號錄

唐鄭餘慶書儀

江亭記

唐孟詵徐潤家祭禮

孫氏仲享儀

司馬氏書儀

呂氏鄉約鄉儀

六家祭儀

高氏厚終禮

朱氏十書

元祐納后儀

永昭永穆陵儀

國朝明堂紀要

州縣祠儀

寢祀儀

紹興明堂儀注

紹興郊祀大禮儀注

紹興籍田儀注

紹興四孟朝獻儀注

紹興祀高媒儀注

紹興上皇太后冊寶儀注

紹興中宮受冊儀注

紹興大朝會儀注 王涇郊祀錄

刑法類

刑統

律文

開元格并律令

唐式

開寶格

天聖令

元符勅令

熙寧審官東院編敕

吏部七司法

七司式

大觀中書敕令格式

政和中書門下勅令格式

乾道重修三省密院敕令格式申明

官誥院一司條格

常平役法

淳熙常平茶鹽敕令

建炎元年以後續降錄

紹興二十七年至三十一年春攷

紹興二年春攷

條令總類

金科類要

養賢錄

金國刑統

金國須知

折獄龜鑑



明刑盡心集

金科易覽

士民指掌

檢驗法

中書條例格式

熙寧大理寺斷例

姓氏類

元和姓纂

十史姓纂

千姓編

宋何承天姓苑

古今姓氏書

姓源韻譜

梁元帝古今人同姓名錄

唐孔志姓氏雜錄

唐百家類例

唐李利涉編古命氏錄

諱行錄

警年錄

仙源積慶圖

本朝宗室圖譜

圖里譜系

孔子編年家譜

東家雜記

本朝人物志

皇朝百族譜

紹興臣僚類姓

三院呂氏世譜

胡氏世譜

陶氏世譜

東平劉氏世譜

趙清獻家譜

尤氏世譜

玉牒行移

唐皇孫郡王譜

大唐氏譜

宰相甲族

十四家貴族譜

唐丘光庭古賢姓名相同錄

帝王世系

史學類

史記音義

史記正義

史記索隱

集註天官書

前漢考異

後漢句字

蕭該漢書音義

漢書句字

三劉漢書

漢書問答

漢書講解

律曆志辨疑

劉氏兩漢刊誤

唐書音訓

唐書糾繆

唐書直筆新例

唐書須知

集校兩漢書

劉知幾史通

劉餗史例

邵忠史例

趙彥若史例論

通鑑問疑

兩朝實錄例

歷代史贊

兩漢博聞

荀悅漢紀節要論

兩漢補遺

王遇漢議

漢雜事

東漢質疑

唐書手抄

范太史唐鑑

石守道唐鑑

孫之翰唐論

胡氏讀史管見

通鑑入約

程迥文史評

了齋約論

史記法語

兩漢法語

班史菁華

班左誨蒙

漢雋

班史名物編

東漢年表

晉書音義

史記析微

五代史纂誤

目錄類

唐藝文志

唐毋叟古今書錄

梁阮孝緒七錄

經史品題

羣書備檢錄

皇祐祕閣書目

皇祐史館書目

崇文總目

祕閣四庫書目

嘉祐求遺書目

中興館閣書目

鄱陽吳氏書目

李邕鄆書目

鄆圖書志

廣川董氏藏書志

葉石林書目

川中書目

趙氏金石錄

皇祐碑籍

川郡金石錄

諸道碑目

京兆金石錄

歐陽氏集古錄

晉陽王氏碑目

浯溪古今刻集錄

資古紹志錄

祕閣書畫器物目

內府碑錄

重修唐書碑目

地理類

祕閣本山海經

池州本山海經

郭璞山海經圖贊

水經

神異經

十洲記

三輔黃圖

關中記

豫章古今記

鄴城記

鄴都故事

吳地記

東京新記

梁顧野王輿地記

兩京新記

南朝宮苑記

南方異物志

晉嵇含南方艸水狀

張朮三齊記

城冢記

唐列聖園陵記

十道四番記

皇華四達記

元和郡縣圖志

坤元錄

山水志

唐四夷朝貢錄

兩京道里記

唐夷狄貢錄

洛陽伽藍記

方輿志

太平寰宇記

皇朝九域志

輿地廣記

地理指掌圖

唐沈懷遠南越志

武夷諸山記

青溪山記

潮說

北戶雜錄

唐王休璉番陽記

唐李德裕西南備邊錄

陸廣微吳地記

金陵六朝事迹

魏瀨鄉記

唐太清宮簡要記

張氏燕吳行役記

唐房千里投荒雜錄

蜀程記

峽程記

李重導河形勢書

姑蘇水利

范文正公堰記

江行圖

東京志

洛陽志

長安志

相臺志

夢華錄

洛陽名園記

吳船錄

舊本鄭州圖經

舊本杭州圖經

建康志

襄陽志

成都志

成都古今記

嘉禾志

章貢志

東陽志

舊越州圖經

新修紹興圖經

新安志

同安志

浦陽志

延平志

秦州圖經

盱江志

秋浦志

荊門志

嚴州圖經

閩中志

姑熟志

天台圖經

常州圖經

毗陵風土記

江西諸郡圖經

無錫志

宜興志

豫章職方乘又續乘

道州圖經

台州三縣志

長沙志

鎮江圖經

豫章古今志

春穀志

長樂志

江陰志

潘洞常州圖經

吳郡續圖經

衡州圖經

括蒼志

郴江志

岳陽風土記

秦州志

天台山圖

丹丘仙迹

洞庭譜記

南岳小錄

會稽洞天記

南岳尋勝錄

又摠勝錄

羊角山度唐觀記

湘州記

平都山仙都觀記

廬山記

九疑攷古

徽州黃山圖經

大滌洞天真境錄

天台小錄

霍山記

九華錄

三茅記

江夏辨疑

封州圖經

汪王事實

張王顯應事實

嶺外代答

邕管雜記

嶺表錄異

雲南志

皇祐平蠻記

互市諸蠻錄

廣東西會要

西南諸蕃記

邕管溪峒雜記

泉南錄

鄧嘉猷西南備邊志

李仁甫論西南夷事

契丹機宜通要

契丹事迹

燕京會要

契丹實錄

契丹疆宇圖

契丹朝獻禮物例

契丹志

燕北錄

慶曆奉使錄

匈奴須知

北志

契丹須知

張浮休使遼錄

趙志忠陰山雜錄

契丹會要

西夏雜志

西戎聚米圖經

西夏須知

女真實錄

范仲熊北記

評議虜中錄

征蒙記

雜記金國事

虜都驛程圖

松漠記聞

鄭汝諧聘燕錄

燕北全疆地里記

雞林類事

高麗行程錄

高麗日本傳

高麗圖經

西州使程記

蕃爾雅

蜀爾雅

北虜方言

政和大理國入貢記



梁二十八國職貢圖

宋沈德遠南越志

湘中山水記

續南荒錄

續廬山錄

豫章舊圖經

江州舊圖經

綠林庾辭

金國世系

至道雲南錄

儒家類

曾子

晏子春秋

晏子內外篇

孟子

荀子

孔叢子

揚子法言

陸績注太玄經

集注太玄

許嵩老法言訓詁

白虎通

王符潛夫論

仲長統昌言

荀悅申鑒

鹽鐵論

劉向新序

劉向說苑

唐劉蛻續說苑

陸賈新語

賈誼新書

魏徐幹中論

齊顏之推家訓

隋李文本博中興書

帝範

臣範

虞世南帝王略論

楊相如君臣政理論

牛希濟理源

文中子中說

龔輔之注中說

薛氏注元經

唐林慎思續孟子

晉楊方五經鉤沈

唐朱敬則十代興亡論

魏蔣濟萬機論

魏鄭公時務策

唐劉迅六說

唐李恕己誠子拾遺

杜祐理道要訣

帝學

何亮本書

黃晞罄隅子

周子通書

周子太極圖

南軒太極圖解

朱氏通書太極圖解

正蒙書

劉原父弟子記

劉原父七經小傳

二程先生遺書

邵康節皇極經世

呂滎陽雜說

治道中術

刁衍本說

儒志

張芸叟卮言

張子前書

張子志書

王觀天鬻子

范蜀公正書

黃君俞泉書

伊川經解

師說

龜山經說

三經義辨

九經餘義

日錄字說辨

諸儒名道集

陳無己理究

橫渠語錄

橫渠理窟

呂氏雜說

節孝先生語

上蔡語錄

劉元城語錄

劉元城談錄

元城道護錄

洙泗言仁說

龜山語錄

河南雅言

張無垢心傳語

語錄附錄

胡氏傳家錄

涪陵記善錄

司馬溫公家範

呂氏童蒙訓

子家子

程氏廣訓

林子誨語錄

呂伯恭闡範

劉清之訓蒙

孝弟類鑒

女誠

廣川家學

修學門庭

余氏至言

程尙書極言

石林審是錄

范氏正蒙

省心雜言

程尙書攷古編

四注法言

司馬溫公注法言

御製承華要略

御製正說

邇英聖問

觀文鑒古圖

雜家類

呂氏春秋

管子

商子

慎子

韓非子

子華子

鄧析子

董子

魯連子

鬼谷子

燕丹子

墨子

公孫龍子

尸子

尹子

劉子

傅子

殷子

孫子

淮南子

炙穀子

風俗通義

王充論衡

魏劉劭人物志

金樓子

梁庾仲容子抄

馬摠意林

忠經

唐羅隱兩同書

顏師古刊謬正俗

李涪刊誤

資暇集

蘇氏演義

唐丘光庭兼明書

程氏演繁露

隋李文博中興書

古今語要

長短要術

造化權輿

唐趙甌

李氏雜說

敷陽子

諸子談論

賈公餗山東野錄

洪氏雜家

羅隱讒書

尹文子

道家類

古文老子

王弼注老子

傅奕老子音義

漢安丘注老子

嚴遵老子指歸

晉孫盛老子攷訊

唐明皇注老子

唐陸希聲老子指解并問答

三十家注老子

賈清夷老子疏

王顧老子疏

老子藏室纂微

李榮注老子

陳鼻解老子

李旼老子音解

達真子老子解

司馬溫公老子解

蘇黃門老子解

王元澤老子解

呂惠卿老子解

毛達可老子解

王懋才老子解

列子

莊子

文子

徐靈府注文子

朱弁注文子

亢倉子

王士元注亢倉子

鷓冠子

陸右丞注鷓冠子

關尹子

天隱子

抱朴子內外篇

元真子

唐吳筠元網論

無能子

觀妙經

紫府元珠

潘凱二化論

周朴天道論

杜光庭大寶論

莊子觀

宋齊丘化書

赤松子中誠經

張融理同論

劉向列仙傳

續仙傳

葛洪神仙傳

高道傳

仙苑編珠

周氏冥通記

洪崖先生傳

真系傳

許先生傳

疑仙傳

陳真人傳

唐吳簡傳

西山十二真君列傳

徐神翁語錄

王雲中內傳

杜光庭錄異傳

福地經

洞天經

湖湘顯異

青城山靈異記

瀨鄉記

唐太清宮簡要記

祥符奉迎聖像記

楊希文注黃庭經

神景內經

皇極系述黃庭經

參同契

西山羣仙會真記

中皇真經

參同肘後方

潁陽記

石藥爾雅

爐術本艸

靈芝記

參同分章通義

登真隱訣

雲笈七籤

道樞

上清文苑

靈山賦集

毛仙翁詩

大小游仙詩

古今道德經

河上公注道德經

王弼老子略論

老子枕中經

莊子疏

御注道德經

孫盛老子糾

真誥

胎息經

黃庭內景經

密語

聶真人傳

樂史洞仙集

傅仙師傅

江西續仙錄

侯真人傳

三教解紛論

正性論

元道真經

九轉合同要義

混元經

青城山雜錄

大丹法

太玄寶典

許真君如意方

鍾離真人靈寶異法

釋家類

金銀字傳大士頌

金剛經

六祖金剛經解義

王荆公注金剛經

華嚴經

楞嚴經

圓覺經

楞嚴經疏

圓覺經疏

維摩經疏

六祖壇經

正法眼藏

馬祖四家錄

笑道論

非韓論



萬善同歸

原人論

弘明集

廣弘明集

通明論

佛教總年

佛運統紀

僧寶傳

續僧寶傳

僧史

僧史略

高僧傳

法藏碎金錄

裴休問源禪師承襲圖

宗門統要

釋氏要覽

祖庭事苑

釋氏六帖

傳燈錄

臨濟語錄

雲門語錄

勇禪師語錄

普融禪師語錄

詔國師語錄

諸祖偈頌

龐居士詩

寒山詩

大慧武庫

林間錄

芙蓉般陽集

北山錄

端禪師語錄

無住語錄

釋梵

雪竇語錄

近世尊者語錄

古塔主語錄

晁文元老智餘書

道院集要

禪源諸詮

風穴語錄

謝陽以下二十二家語錄

德仙語錄

曹洞語錄

長蘆覺語錄

法雲語錄

農家類

夏小正

唐荆令月令

唐注月令

四時纂要

齊民要術

千金月令

韋氏月錄

荆楚歲時記

秦農要事

鄙記

四民福祿論

李邕金谷園記

玉燭寶典

山居忘懷錄

歲時廣記

范如圭田書

林勳本政書

曾安上禾譜

農器譜

錦帶書

輦下歲時記

兵書類

司馬法

太公兵法

黃石公三略

孫子

吳子

尉繚子

李靖集太公兵法

李衛公兵法問答

七書

十一家注孫子

杜牧之注孫子

風后握機

風后握機贊

黃帝陰符經

黃石公素書

八陣法

諸葛亮死

諸葛亮十六條

太白陰經

真人水鏡

古今兵要

武經總要

郭元振安邊策

李光弼統軍祕策

禦戎要訣

劉喚平燕策

劉牧平戎策

神機武略

武略清邊

重修武經摠要

千古兵要

唐李筌闡外春秋

呂夏卿廣兵志

何博士備論

神武祕略

百將傳

兵法精義

慶曆軍錄

數術家類

一天文  
四陰陽

二曆譜  
五卜筮

三五行  
六形勢

甘氏星經

張華列象圖

周髀經

別本甘氏經

天文機要圖

天象賦

星經簿讚

仰視纂微

錦囊書

步天歌

宋濤天文書

皇朝天文書

姚令威注天官書

集注天官書

紹聖儀象法要

銅甌漏編

刻漏規矩

官曆刻漏圖

景祐乾象新書

七政曆要

十二曜細行曆

青羅妙度曆

四曆剝蝕考

開元大衍曆議

長慶宣明曆

紀元曆經

崇天曆經

康定轉神曆

熙寧奉元曆

元祐觀天曆

黃若只議紀元曆書

林永叔曆學

大衍宣明貞元欽天奉天儀元崇貞明天官觀天曆草

吳氏荆璞集

王普荆璞指瑕

金國大明日曆

高麗日曆一卷

洪範政鑒

感應類從志

譙子五行志

三鏡篇

握鏡圖

東方朔書

李淳風乙巳占瑞錄

太一數

太一分野節要

太一金鏡

太一福應經

太一王佐祕書

顧野王符瑞圖

李淳風運元方道

黃帝祛惑經

乙酉式

遁甲符應經

萬勝篇

遁甲決勝歌

員卓專征賦

遁甲式心

入遁式歌

遁甲南經

三元賦

遁甲兵機舉要

遁甲立成

萬一訣

地鑿經

彈冠必用

京房易積筭法

京房周易律曆

焦氏易林

周易卦氣占驗法

黃石公靈棋經

越覆書

六壬奧旨

六壬洞玄傳

百章歌

通微要式

六壬證疑

課鈴

民望經

六壬心鏡

玉曆

六壬破迷經

六壬玄髓經

六壬黑殺經

五行要略

聚金口訣

鬼谷子玉函經

地理賦

相書

土圭法

司馬經

太一訣

司天經

京氏易占

銀河局祕訣

小說類

世說

續世說

劉孝標俗說

殷芸小說

世說新語

世說敘錄

封氏見聞志

撫言

大唐新語

顏之推八代談藪

楊松玠談藪

朝野僉載

僉載補遺

盧子逸史

紀聞談

抒情集

三水小牘

洛陽舊聞

柳氏舊聞

窮愁志

柳氏家學要錄

杜陽雜編

尚書故實

常侍言旨

秀師言記

嵐齋集

元貞子偈

松窗錄

盧氏雜說

佐譚

唐朝新纂

廬陵官下記

灌畦暇語

觀時集

因話錄

雜纂

劇談論

雲溪友議

談賓錄

龍城錄

幽閒鼓吹

玉泉筆端

醉鄉日月

雲仙散錄

祕閣閒談

戎幕閒談

南唐近事

祕閣雅談

漢隋遺錄

教坊記

北里志

鑒誠錄

五代新說

林下談笑

李文公談錄

張文定同歸小說

太平小說

楊文公談苑

李文正談錄

丁晉公談錄

王文正筆錄

國老閒談

春明退朝錄

東齋記事

歐陽歸田錄

孔毅父雜錄

李圭復記聞

嘉祐雜志

宋景文筆記

歐公筆錄

王彥輔塵史

道山新聞

南部新書

南部烟花錄

星江野錄

漫浪野錄

該聞錄

隨手錄

東臯雜錄

東軒筆錄

湘山野錄

玉齋清話

談圃

傅公嘉話

沈氏筆談

沈氏續筆談

龍川別志

龍川略志

碧雲騷

釋稗

涑水紀聞

青箱雜記

青瑣高議



百一紀

師友談記

甲申雜錄

張子賢墨莊冗錄

張芸叟貽訓

畫墁集

張芸叟野語

晁氏談助

曲洧舊聞

漫堂隨筆

蒙齋筆談

金鑾退朝錄

侯鯖錄

春渚紀聞

倦遊錄

西齋話記

呂氏家塾廣記

呂紫微雜說

曾南豐雜志

閑談錄

五總志

王性之默記

青瑣摭遺

吳氏漫錄

墨客揮犀

東坡雜說

陸說

談藁

方氏泊宅編

石林燕語

石林避暑錄

胡理蒼梧雜志

楊迴金淵書

萍洲可談

南齋雜錄

章深槁簡贅筆

王氏學林

南游紀舊

楊彥齡筆錄

韓易見聞異辭

陶朱新錄

閒燕常談

南窗記談

徐敦立却掃編

桐陰舊話

姚令威藜話

趙彥從肯綮錄

林下放言

獨醒雜志

遽然先生雜說

朱丞相秀水閒居錄

朱新仲雜志

吳箕常談

容齋隨筆

王明清投轄錄

揮塵錄

呂氏雜抄

軒渠錄

張華博物志

任昉述異記

海物異名記

梁吳均續齊諧記

酉陽雜俎

補江總白猿傳

洞仙集

宣室志

幽怪錄

續幽怪錄

異聞集傳

清異錄

搜神記

感知錄

辨疑錄

大唐奇事

耳目志

顏之推還冤志

幽明雜警

稽神錄

搜神摭記

括異記

窮神祕苑

京本太平廣記

夷堅志

呂南公測幽

物類相感志

補妬記

類說

唐語林

乾牒子

角力記

樹萱錄

文場盛事

劉公嘉話

傳奇

怡顏集

前定錄

續前定錄

異聞錄

洛中紀異錄

文昌雜錄

玉堂閑話

郡閣雅言

茅亭客話

洞微志

野人閑話

友會叢談

蔡條訴神文

雜藝類

法書要錄

法書苑

金齋記

書話

墨藪

書斷

述書品

書品論

翰林禁經

字源

書品優劣論

籀史

法帖釋文

歷代名畫記

畫斷

畫評

聲畫集

名畫補遺

米氏書畫史

圓畫見聞志

李王閨中集

寶章待訪集

德隅堂畫品

蔡京內閣畫跋

孫子算經

海島算經

九章算經

五曹算經

投齋經

五陵雜格

碁訣

碁譜

碁經通遠集

琴錄

琴譜

正觀公私畫錄

續畫錄

後畫錄

名畫獵精錄

五經算術

張丘建算經

緝古算經

方圓算經

方圓益古算經

曹唐算經

法算細曆

碁經

碁品

補漢官儀

宣和采選

雙陸譜

進士采選

譜錄類

宣和博古圖

考古圖

李伯時古器圖

晏氏辨古圖

石鼓文譜

石鼓文攷

玉璽記

八寶記

玉璽譜

玉璽議

鏡錄

鼎錄

刀劍錄

文房四譜

續文房四譜

硯錄

墨經

墨說

墨苑

端硯譜

歛硯譜

桐譜

顧煜泉志

封演泉志

董彥遠錢譜

李孝美錢譜

洪氏泉志

陶岳貨泉錄

錦譜

璇璣圖記

沈氏香譜

洪氏香譜

天香傳

陸氏茶經

北苑茶經

宣和貢茶錄

品茶要錄

張又新煎茶水記

毛文錫茶譜

茶總錄

北山酒經

酒譜

酒經

小名錄

侍兒小名錄

補侍兒小名錄

警年錄

禾譜

牡丹記

洛陽花木記

洛陽花譜

揚州芍藥譜

歐公牡丹譜

筍譜

竹譜

續竹譜

禽經

別本禽經

相鶴經

養魚經

蔡氏茶錄

萱堂香譜

慶曆花譜

荔枝譜

類書類

修文殿御覽

太平御覽

天和殿御覽

文思博要

文樞要錄

藝文類聚

冊府元龜

劉存事始

馮鑑續事始

劉馮事始

經史事始

事物紀元

徐子光注蒙求

三國蒙求

本朝蒙求

唐史屬辭

敘古蒙求

小說蒙求

葉才老和蒙求

會史

劉昆山集類

事類賦

經史類對

海錄碎事

實賓錄

陸機要覽

兔園冊府

采箱子

文館詞林

語麗

玉屑

分門節要

金鑰

備忘小抄

開卷錄

編珠

文通事類

文選雙事

五色綫

蘇氏選抄

班左訓蒙

北堂書抄

記室新書

前漢六帖

應用集類

備舉文言

初學記

六帖學林

白氏六帖

孔氏六帖

晏公類要

文苑英華

揆天錄

類題玉冊

題淵

玉山題府

續題府

慶曆萬題

選類

文選華句

雞跖集

書序指南

通典

續通典

唐會要

五代會要

國朝會要

四朝會要

政和續修會要

中興會要

醫書類



本艸

類證圖經本艸

黃帝內經

八十一難經

難經疏

甲乙經

仲景傷寒論

千金方

千金翼方

外臺祕要

銅人鍼灸經

王叔和脉訣

唐王冰啓玄子

龐安常傷寒論

膏肓腧穴灸法

傷寒證法

傷寒要旨

傷寒遺法

傷寒論翼

蘭室寶鑑

華陀中藏經

脉經

太平聖惠方

失肱活人書

文路公藥準

大智禪師必效方

雞峯備急方

贛上證俗方

養生必用方

保生十全方

丁晉公服食方

李深之手集方

衛濟寶書

許本知可事方

石藥爾雅

錢乙小兒方

曹王普惠方

傷寒百問方

海上名方

內外景圖

氣運鈔

聖濟經

巢氏病源

金匱要略

劉涓子神仙方

廣濟方

靈苑方

蘇沈良方

孫兆方

古今必効

旅舍備急方

小兒保生方

資生方

活人名方

別集類

漢揚雄集

漢張超集

枚乘集

孔光奏章

唐林奏章

酈炎集

李尤集

蔡邕集

張衡集

董仲舒集

劉向集

魏武帝集

文帝集

明帝集

陳思王集

王粲集

陳琳集

阮公瑜集

應德璉集

徐偉長集

劉公幹集

晉陸機集

陸雲集

阮籍集

嵇康集

張華集

潘岳集

傅玄集

江統集

張敏集

十四賢集

郭景純集

宋武帝集

顏延之集

謝惠連集

謝莊集

沈休文集

陶淵明集

遠法師廬山集

謝元暉集

鮑照集

王僧達集

謝靈運集

齊王融集

孔德璋集

梁昭明太子集

簡文帝集并詩

庾肩吾詩

劉孝威集

劉孝綽集

何遜集

任昉集

庾信集

吳均集

徐陵集

陶弘景集

陰鏗集

江淹集

陳后主集

沈炯集

張正見集

江總集

唐太宗集

明皇集

王勣東臯子集

許敬宗集

陳子昂集

張曲江集

蘇頲集

張說集

駱賓王集

盧照鄰集

崔融集

王勃集

楊炯集

宋之問集

元次山集

高適集

王維集

獨孤及集

沈亞之集

蕭穎士集

杜甫集

李白集

韓文公集

柳宗元集

李翱集

皇甫湜集

孟東野集

歐陽詹集

劉禹錫外內集

元稹長慶集

白居易長慶集

呂溫集

權德輿集

陸宣公翰苑集

王仲舒制誥集

常袞集

楊炎集

程晏集

李程集

梁肅集

李衛公會昌集

孫樵集

孫逖集

杜牧集

沈雲卿集

李義山集

牛僧孺集

陳黯集

顧况集

符載集

蔣防集

劉子夏集

崔嘏制誥集

李翰集

穆員集

李觀集

王貞白集

任希古集

孫郃集

陳陶集

林藻文集

毛欽一集

丁稜集

李甘集

李華集

陸龜蒙集

戎昱集

戴叔倫述藁

劉蛻文泉子

張登集

顧雲編藁

嚴從中黃子

黃璞霧居子

秦韜玉投知小錄

盧肇文標集

令狐楚表奏事

于公異奏記集

鄭畋敕誥集

鄭畋堂判集

段成式漢上題襟集

鮑溶集

賈至集

皮日休集

司空圖一鳴集

麴信陵集

姚合極玄集

殷璠丹陽集

薛瑩洞庭集

李琪篋中集

唐彥謙集

李公武集

王穀觀光集

松陵唱和集

顏魯公集

岑參集

裴晉公集

樊宗師集

王侍讀集

劉商集

吳均集

南唐李後主集

南唐潘佑集

羅隱集

韋蘇州詩集

杜審言集

李嘉祐集

張祐集

孟浩然集

施肩吾集

吳融集

許渾丁卯集

劉叉集

鮑溶

薛逢集

朱景玄集

耿韓集

劉希夷集

李涉集

王貞白靈溪集

裴夷直集

李殷集

薛能集

李紳追昔遊編

邵謁集

來鵠集

李長吉集

丘爲集

王操集

張碧集

盧仝集

張蠙集

賈島長江集

孟賓于集

孟歸唐集

張籍集

錢起集

許用晦

沈下賢

劉長卿集

方雄飛集

李君虞集

王無功集

張承吉集

儲光曦集

鄭都官集

李益集

武伯蒼集

司空曙集

李端集

張喬集

韓翃集

楊巨源集

陸暢集

周賀集

張繼集

李頌集

朱慶餘集

林嵩集

王棨集

李頎集

郎士元集

于鵠集

李廓集

李峴集

于鵠集

于武陵集

冷朝陽集

祖詠集

鄭巢集

綦母潛集

周澆集

竇叔向集

雍裕之集

李適集

劉憲集

武平一集

趙彥昭集

陶翰集

盧象集

竇華集

秦韜玉集

包幼正集

蘇味道集

徐鴻集

崔湜集

李遠集

王敦集

孫逖集

崔顥集

羅昭諫集

王司馬集

顧非熊集



崔國符集

柳惔集

唐求集

顧佐鎔集

王涯詩又宮詞

張仲素歌詞

張拾遺筆詩

令狐楚歌詞

武元衡集

李公垂集

朱灣集

朱放集

高蟾集

楊衡集

沈彬集

林寬集

嚴郾集

章碣集

崔曙集

曹唐集

劉滄集

喻龜集

曹鄴集

趙嘏渭南集

戎昱集

劉得仁集

許棠集

馬戴集

項斯集

姚鵠集

汪藩集

陳羽集

聶夷中集

于濬集

劉駕集

王昌齡集

崔道融東浮集

章孝標集

劉威集

崔櫓集

石臺集

孟貫集

司馬禮集

李九齡集

僧靈一集

僧無可集

僧修睦集

皇甫冉集

皇甫曾集

殷堯藩集

韓琮集

喻坦之集

徐凝集

溫飛卿集

韓偓集

司空圖集

杜荀鶴集

韓偓香奩集

王建宮詞

王建集

大曆浙東聯句

寶氏聯珠集

羅虬比紅兒詩

蜀花蕊夫人宮詞

常建集

裴說集

周朴集

劉乙集

李昌符集

李山甫集

周絲集

龔霖集

熊登集

鄭崇集

鄭愚集

徐浩集

羊士諤集

包何集

崔顥集

張南史集

李羣玉集

于勃集

李咸用集

方干集

南唐李建勳集

眞宗皇帝集

徽宗皇帝集

范質集

陶穀集

張洎集

李志集

徐鉉集

賈黃中集

蘇易簡集

宋白集

田錫咸平集

王元之小畜集

錢希白金閨集

寇萊公巴東集

丁晉公集

楊文公武夷集

又別集

宋宣獻祕殿常山集

晏元獻二府集

紫微集

劉筠榮遇集

錢文僖擁旄集

伊川集

李昉鄆書殿集

又筆語

夏文莊集

柳仲塗集

宋宣獻操縵集

緹巾集

宋景文集

范文正集

余襄公集

石守道徂徠集

李泰伯盱江集

蘇國老集

趙彥若儒林舊德集

歐公集

江鄰幾集

梅聖俞集

蘇子美集

二尹集

蔡君謨集

杜默詩豪集

章望之道窮集

王文公臨川集

張安道樂全集

又玉堂集

曾子固元豐類藁

又續藁

王逢原集

王深父集

王容季集

王觀集

劉原父集

劉貢父集

王元澤集

王和父集

王平甫集

曾子宣集

曾子開集

老蘇嘉祐集

東坡前後集

子由樂城集

三蘇遺文集

韓忠獻安陽集

司馬文正集

龐莊敏清風集

范蜀公集

呂正獻集

韓持國南陽集

王岐公華陽集

元厚之玉堂制集

玉堂詩集

青啓集

文路公集

蘇魏公集

祖擇之范陽集

陳述古古靈先生集

宋敏求東觀絕筆

王原叔遺文

鄭毅夫鄖溪集

彭器資集

王岩叟大名集

劉忠肅集

李邦直集

楊元素集

錢穆父集

強幾聖集

周濂溪集

明道先生集

伊川先生集

橫渠先生集

胡文恭集

呂元均集

陸農師集

呂南公灌園集

馮文簡集

范忠宣集

章子厚肉制集

王子發元豐懷遇集

徐仲車集

龔輔之東原集

鄭介夫西塘集

黃魯直集

張文潛集

秦少游淮海集

晁无咎雞肋集

陳后山集

趙承之集

李之儀姑溪集

范淳父集

張浮休集

李成季樂靜集

毛澤民集

三沈先生集

齊祖之賢良集

任德翁乘桴集

游定夫集

黃冕仲演山集

陳了齋集

鄒道鄉集

晁說之集

李格非集

張天覺集

田承君集

劉斯立集

崔德符集

鄧考功集

唐子西集

廖明略集

呂希純紫薇集

楊傑無爲集

畢仲游西臺集

清江三孔集

李履中涵水集

林子中集

邢和叔集

蔡天啓浮玉集

又丹陽集

二林集

葉棣集

鮑當清風集

羅正之赤城集

吳思道集

王防集

邢淳夫呻吟集

劉輝東歸集

戚同文孟諸集

馬子才集

杜澤民鄆城集

劉偉明集

慎伯筠集

黃長睿東觀餘論

林和靖集

鄧爽棋欄集

石孝若集

王賢良策論

沈興宗集

吳淮集

李新跨黿集

徐德占進卷集

洪駒父老圃集

徐夫人詩

女郎曹希蘊詩

女郎謝希孟詩

鄭褒集

張乖崖集

孫明復睢陽集

向文簡集

呂獻可集

楊文公刀筆集

歐陽公刀筆集

宋景文刀筆集

東坡刀筆集

王發進卷

張臺卿盤谷集

周行己集

呂與叔芸閣集

程俱北山集

呂叔巽集

謝無逸集

謝幼槃集

呂居仁集

楊龜山集

王初寮集

梅執禮集

毛友爛柯集

蘇後湖集

曾紆空青集

蘇籀雙溪集

許志仁集

王瞻叔集

韓子蒼陵陽集

李忠愍集

高彥先東溪集

龐佑甫白蘋集

鮑欽心集

林元凱集

秦會之表奏集

張叔夜集

周少隱稊米集

張全真集

周麟之集

汪彥章集

陳簡齋內外制

孫叔諧內外制

綦叔厚內外制

湯進之內外制

林待聘內外制

葉石林集略

邵公濟集

呂元直集

李漢老艸堂集

翟公巽集

張右丞集

王居正竹西集

沈與求龜溪集

方祕監集

吳則禮集

張巨山集

朱喬年韋齋集

胡世將集

劉行簡集

熊叔雅集



趙德莊集

朱伯原集

鄭成之集

程仁奏藁進卷

林伯仁集

陳知默集

李先之章貢集

陳邦光集

畢良史集

又繙經堂詩

倪綺川集

章叔度集

胡五峯詩

葛文康丹陽集

葛謙問歸愚集

李吉光集

曹直講集

傅察集

傅安道集

張南軒集

張子湖集

李直言集

竹軒雜著

苗彥先集

邵緝荆谿集

游畏齋集

仲彌性集

馮蹇叔集

芮國器集

梁文靖集

汪端明內制

洪景盧內外制

趙莊叔集

王夢得集

程正伯集

錢聞詩全室翁集

曹勛松隱集

曾覲蓮社集

張鉞南湖集

黃陳詩注

李襄公詩

袁遜翁詩

關子東詩

鄭謚詩

林和靖詩

蔡堅老詩

徐師堅東湖集

邵堯夫擊壤集

強常川詩

危先生詩

劉景文橫槩集

陳子高天台集

汪彥章選荆公詩

張商英商山倡和

會稽公倡和

陳簡齋詩

王君玉詩

吳思道詩

孔氏詩戲

趙叔靈詩

晁君成詩

鄒德久和陶詩

劉無言詩

周元忠詩

姚揆詩

汪信民詩

夏均父詩

朱新仲詩

張彥實東窗詩集

朱喬年玉瀾集

藏海居士詩

呂景實詩

唐仁傑詩

晁伯封丘詩集

蘭齋岳陽紀咏

趙獻簡詩

蘋溪詩集

楊誠齋詩

陸務觀詩

羅端良詩

章奏類

唐魏鄭公諫章

唐郭子儀奏議

唐陸宣公奏議

唐李絳論事集

唐鄭畋論事集

唐于公異奏記集

唐令狐楚表奏集

唐李磻奏議

唐韋莊諫草

唐名臣奏議

南唐陳致雍曲臺奏議

趙韓王諫藁

王之奏議

田錫奏議

富鄭公劄子奏議集

韓魏公諫垣存艸

范蜀公奏議

呂獻可奏議

歐陽文忠從諫集

龐莊敏奏議

賈魏公奏議

孫威敏奏議

包孝肅奏議

余襄公諫艸

趙清獻奏議

楊元素熙寧臺章

又熙寧諫疏

王明叟奏議

王岩叟大名餘藁

又奏議

傅堯俞奏議

梁燾奏議

王荆公奏議

呂汲公奏議

文潞公奏議

劉忠肅奏議

韓持國奏議

范忠宣國論

蘇文忠奏議

蘇黃門奏議

劉器之盡言集

曾子開奏議

范德孺奏議

趙瞻奏議

陳次升奏議

任德翁奏議

常安民紹聖諫疏

孫升元祐諫疏

上官均奏議

龔諫議奏議

李公擇奏議

蔡敏肅奏議

江民表奏議

鄒忠公奏議

蔡韜臺章

劉孝肅奏議

張天覺奏議

孫內翰經韓集

錢彥遠諫垣集

張芸叟奏議

錢安道奏議

董令升奏議

劉待制諫艸

傅先生奏議

丁騷奏議

林子中奏議

鐵肝御史奏議

陳簡樂奏議

呂居仁奏議

李伯紀奏議

陳國佐奏議

張全真奏議

蘇季真奏議

章且叟奏議

劉大中奏議

趙忠簡奏議

葉石林奏議

劉珏奏議

林待聘奏議

霍叔豹奏議

曾元忠奏議

石侍御風憲集

張魏公奏議

范元長奏議

分門名臣奏議

骨鯁奏議

三老奏議

元祐章疏

建炎以來章疏

戊午讜議

田錫章疏別集

范文正奏議

又政府奏議

朱光庭奏議

吳執中奏議

陳公輔奏議

范忠宣彈事

王韶熙河奏議

馬仲塗奏議

劉隨諫艸

總集類

楚詞

洪氏補注楚詞

晁氏定楚詞

晁氏續離騷

晁氏變騷

周少隱楚詞贅說

天問章句

古文章

古文苑

李善注文選

五臣注文選

文苑英華

孔道文苑

西漢文類

秦漢遺文

三國志文類

唐史文類

漢唐策要

唐文粹

南北雜文

類文

聖宋文粹

皇朝文鑑

本朝二百家文粹

四先生文粹

西漢詔令

兩漢詔書

唐大詔令

咸通表奏

大中制誥

太平內制

五代制誥

唐以後詔敕錄

本朝大詔令

玉堂集

中興玉堂制艸

續玉堂制艸

續西垣制艸

唐章奏類

唐類表

輔弼名對

本朝羣公奏議節要

唐賢長策

唐人類啓

唐臨淮尺牘

唐羽書集

本朝尺牘

仕逸必用

詞林類彙

龍筋鳳髓判

余襄公判詞

典麗賦

宏詞總類

羣策纂要

韶武遺音

古詩選

唐五言詩

唐七言詩

續增五言七言詩

古樂府

樂府詩集

唐百家詩選

皇宋百家詩

樂府逸詞

花間集

江西詩派

詩苑英華

唐中興間氣集

唐河岳英靈集

太平文華

唐又玄集

大曆浙東聯句

羣英聯句

西崑詩

寶刻叢章

聲畫集

玉臺新詠并後集

唐才調集

唐詩類選

九釋詩

宋文海

緘啓新範

名賢四六集

皇朝制誥

瑤池集

成都文類

廬陵集并續集

丹陽集

揚州集又賦

岳陽名賢詩

許昌倡和集

漢南酬唱

吳興詩

嚴州集

天台詩文

桃源詩

汝川圖集

石鼓山詩

嚴州詩

齊安集

于越紀咏

京口集

延平集

湟州集

金山詩

荆門集

石橋詩

池陽集

括蒼集

小洞庭前後集

江夏紀詠

滁陽慶曆集

無爲集

廬山集

宣城集

華鎮會稽覽古詩

文史類

梁劉勰文心雕龍

梁任昉文章緣起

梁鍾嶸詩品



晉李充翰林論

馮鑑修文要訣

唐登科題解

文選同異

詩史音辨

詩史總目正異

詩話集錄

詩苑類格

敘事詩話

詩談

韻語陽秋

黃微詩話

周少隱詩話

王明之詩話

王性之詩章并後記

茗溪漁隱叢話

筆墨閒錄

見見錄廣類

烏臺詩話

詩話雋永

靜照詩話

唐宋詩話

歸叟詩話

詩話總龜

漢皋詩話

洪駒父詩話

樂曲類

唐花間集

馮延巳陽春集

黃魯直詞

秦淮海詞

晏叔原詞

晁次膺詞

東坡詞

王逐客詞

李后主詞

楊元素本事曲

曲選

四英樂府

錦屏樂章

樂府雅詞

予生晚不及拜遂初先生聞儲書之盛又恨不能如劉道原所以假館于春明者寶慶初元冬得臯南遷過錫山訪前廣德使君則書厄于火者累月矣爲之傍徨不忍去因惟國朝以來藏書之盛鮮有久而勿厄者孫長孺自唐僖宗時爲榜書樓二字國朝之藏書者莫先焉三百年間再燬于火江元叔合江南吳越之藏凡數萬卷爲臧僕竊去市人裂之以藉物其入于安陸張氏者傳之未幾一篋之富僅供一炊王文康李文正廬山鎰壯輿南陽井氏皆以藏書名未久而失之宋宣獻兼有畢文簡楊文莊二家之書不減中祕而元符中蕩爲烟埃晁文元累世所藏自中原無事時已有火厄至政和甲午之災尺素不存斯理也殆不可曉聖賢不過託之憲言以垂世示後所以共天命而植民彝也兼收並蓄博覽

精索以淑其身以待後之人此何幸于天而厄之爾極也使子孫不能守如江張王李諸家是固可恨若孫宋晁氏則子孫知守之矣而火攻其外矧如尤氏子孫克世厥家滋莫可曉雖然是穠是藂雖有飢饉亦有豐年吾知有穠藂耳豐凶非我知也尤氏子孫其尙思所以勿替先志云臨邛魏了翁跋

李太史燾云延之于書靡不觀觀書靡不記每公退則閉戶謝客日計手抄若干古書其子弟及諸女亦抄書一日謂予曰吾所抄書今若干卷將彙而目之飢讀之以當肉寒讀之以當裘孤寂而讀之以當友朋幽憂而讀之以當金石琴瑟也

右遂初堂書目一卷按直齋陳氏書錄解題曰錫山尤氏尙書爨延之淳熙名臣藏書至多法書尤富嘗燼于火今其存無幾矣吳郡陸友仁書

說郛卷第二十八終

# 說郛卷第二十九

桃源手聽一卷

## 制敵

嘗論戰守和皆應敵之具而非制敵之本乃在夫可以戰可以守  
可以  
和者此實其腹心而運用四支之道也蓋盡吾所以治中國  
者則戰之中有和有守守之中有和有戰和之中亦有戰有守如  
環無端迭相爲用其變不同則其所以應之者亦不一要令制敵  
在我而其力常有餘欲戰則爲唐太宗欲守則爲漢光武欲和則  
爲漢文帝如斯而已苟惟先外而後內執一而廢二以鑿兵爲戰  
以畫地爲守以懈弛爲和則以戰乃秦氏隋氏之戰守乃朱梁之  
守而其和乃石晉之和矣此刻舟守株之論不通之甚也

詔市牛筋

孝宗朝詔婺州市牛筋五千斤時李侍郎椿字壽翁爲守奏一牛之筋纔四兩今必求此是欲屠二萬牛也上悟爲收前詔

駢語

八萬四千母陀羅臂示現衆生煩惱林三十二應具足妙身成就無量功德海

自作墓銘

白樂天自作醉吟先生傳醉吟先生墓志銘

東坡書扇

東坡爲錢塘時民有訴扇肆負債二萬者逮至則曰天久雨且寒有扇莫售非不肯償也公令以扇二十來就判事筆隨意作行艸及枯木竹石以付之才出門人競以千錢取一扇所持立盡遂悉償所負

論筆

尖齊圓健禿偏褊弱

四肘爲一弓

薩波多論云西天度地以四肘爲一弓去村店五百弓不遠不近以閒散處爲蘭若今若以唐尺計之度二里許也

通鑑實氏本  
廣武帝記

春雪詩

南昌士人周伯仁友之和人春雪詩照天不夜梨花月落地無聲柳絮風

宗室

有服宗室爲宗室無服宗室爲宗室子

史越王歸里

史越王罷相歸里經從慈溪邑宰蔣鸚遠迎既見邑吏而下皆參羅拜庭下越王答拜蔣宰局踣請免王曰門下與之有名分某與之爲鄉曲

座右銘

張德遠座右銘云夫血氣不可以勝人勝人者理也剛不可以屈物屈物者柔也懷疑于人人未可疑而已先疑矣逆詐于人人未必詐而已先詐矣揚人之善人將揚其善掩人之惡人將掩其惡待我以不誠而我應之以誠則彼自愧犯我以非理而我以理服之則彼自服我以容人則易人以容我則難望人太深則生怨察物太明則取憎

躡柳

壬辰二月三日在金陵預閱李顯忠兵司馬最後折柳環插毬場軍士馳馬射之其矢鏃闕于常鏃略可寸餘中輒斷之名曰躡柳其呼躡若乍聲樞師洪公謂予曰何始予曰殆躡林故事耶漢書匈奴傳秋高馬肥大會躡林服虔曰躡音帶師古曰躡者繞林而祭也鮮卑之俗自古相傳秋之天祭無林木者嘗植柳枝衆騎馳



繞三周乃出此其遺法按此卽予言有證也其相馳躡之外加弓矢焉則又益文矣

出漢索隱

### 書法

錢鄧州若水嘗言古之善書鮮有得筆法者唐陸希聲得之凡五字撇押鉤格柅用筆雙鉤則點畫遒勁而盡妙矣謂之撥鐙法希聲自言昔二王皆傳此法自斯公以至陽冰亦得之希聲以授沙門瞿光瞿光入長安爲翰林供奉希聲猶未達以詩寄瞿光曰筆下龍蛇似有神天池雷雨變逡巡寄言昔日不龜手應念江頭泚泚人瞿光感其言因引薦希聲於貴倖後至宰相刁衍言江南後主得此法書絕勁復增二字曰導送今待詔尹熙古亦得之而所書爲一時之絕李無惑工篆亦得其法查道始習篆患其體勢柔弱熙古教以此法仍雙鉤用筆經年手始習熟而篆體勁直甚佳

### 小篆

李無惑同安人善小篆爲翰林待詔蓋斯公陽冰之後未見其比徐鉉鄭文寶查道高紳端妙又過于陽冰士大夫家藏之以爲寶

東坡手澤 三卷

蘇軾

用兵

善用兵者破敵滅國當如小兒毀齒以漸撼搖取之雖小痛兒能堪也若不以漸一拔而得齒則取齒足以殺兒吾觀王翦以六十萬人取荆此一拔得齒之道也秦亦憊矣二世而敗坐此也夫

宰我非叛臣

常病太史公言宰我嘗作亂夷其族使吾先師之門乃有叛臣而天下所過祀者乃容叛臣其間豈非千歲不蠲之惑也耶近令兒子過考閱經書究其所因則宰我不叛左驗甚明太史公因陋承疑使宰我負冤千歲而吾先師與蒙其垢自茲一洗亦古今之快也

論霍光

吾觀昌邑王與張敞語真清狂不惠者耳惡能爲惡既廢則已矣何至誅殺其從官二百餘人以予觀之其從官中必有謀光者光知之故立廢賀非專以淫亂故也二百人者方誅號呼于市曰當斷不斷反受其亂此其有謀明矣特其事祕史無緣得之著此者亦欲後人微見其意也武王數紂之罪孔子猶且疑之光等疏賀之惡可盡信耶

論孫卿子

孫卿子云青出于藍而青于藍冰生于水而寒于水世人言弟子勝師者輒以此爲口實此無異夢中語青卽藍也冰卽水也釀米爲酒殺羊豕爲膳羞曰酒甘于米膳羞美于羊豕雖兒童必笑之而孫卿子以是爲辨信其醉夢顛倒之言以惡論人之性皆此論也

漢武帝

漢武帝無道無足觀者惟據廁見衛青不冠不見汲長孺爲可嘉耳若青奴才雅宜舐痔據廁見之正其宜也

巫蠱

漢武帝諱巫蠱疾之如仇讎蓋夫婦父子君臣之間嗷嗷然不聊生矣然史記封禪書云丁夫人雒陽虞初等以方祠詛匈奴大宛已且爲巫蠱之魁何以責其下此最可歎云

絕慾爲難

昨日太守楊君采道守張君規邀予出游安國寺坐中論服氣養生之事余云皆不足道難在去慾張云蘇子卿嚙雪啖瓊齒皆出血無一語少屈可謂了生死之際矣然不免與胡婦生子窮海之上而况洞房綺疏之下乎乃知此事不易消除衆客皆大笑予愛其語有理故爲記之

辨文選

劉子玄辨文選所載李陵與蘇武書非西漢文蓋齊梁間文士擬作者也予因以悟陵與武贈答五言亦後人所擬今日讀列女傳蔡琰二詩其詞明白感慨類世所傳木蘭詩東京無此格也建安七子猶涵養圭角不盡發見况伯喈女乎又琰之流離必在父沒之後董卓既誅伯喈乃遇禍今此詩乃云爲董卓所驅虜入胡尤知其非真也蓋擬作者疏略而范曄荒淺遂載之本傳可以一笑也

婦姑皆賢

昔吾先君先夫人僦宅于眉之紗縠行一日一婢子熨帛足陷于地眎之深數尺有大瓮覆以烏木板先夫人急命以土塞之瓮中有物如人咳聲凡一年乃已人以爲此有宿藏物欲出也夫人之姪程之問者聞之欲發焉會吾家遷居之問遂僦此宅掘地丈餘

終不見瓮所在其後某官于岐下所居大柳雪方尺不積雪晴地  
墳起數寸某疑有古人藏丹藥處欲發之亡妻崇德君曰使吾先  
姑必不發也某愧而止

妻作送夫詩

眞皇旣東封訪天下隱者得杞人楊璞能爲詩召對自言不能上  
問臨行有人作詩送卿否璞言惟臣妻有一首云更休落魄耽杯  
酒切莫猖狂愛詠詩今日捉將官裏去這回斷送老頭皮上大笑  
放還山予在湖州坐作詩追赴詔獄妻子送予出門皆哭予無以  
語之顧老妻曰子獨不能如楊處士妻作一詩送我乎妻子不覺  
失笑予乃出

祭春牛文

元豐六年十一月二十七日天欲明夢數吏人持紙一幅其上題  
云請祭春牛文余取筆疾書其上云三陽旣至庶艸將興爰出土

牛以戒農事衣被丹青之好本出泥塗成毀須臾之間誰爲喜愠  
吏微笑曰此兩句復當有怒者傍一吏云不妨此是喚醒他

卦影

至和二年成都人有費孝先始來眉山云近遊青城山訪老人村  
壞其一牀孝先謝不敏且欲償其直老人笑曰子視其下字字云  
此牀以某年月日造某年月日爲費孝先所壞成壞自有數子何  
以償爲孝先知其異乃留師事之老人授易軌革卦影之術前此  
未有知此學者也後五六年孝先名聞天下

益智

海南產益智花實作長稊而分爲三節其實熟否以候歲之豐歉  
其下節以候早禾中上亦如之大凶之歲則皆不實蓋罕有三節  
並熟者其爲藥治氣止水而無益于智智豈求之于藥者乎其得  
此名蓋以其知歲也耶

何國

泗州大聖僧伽傳云和尚何國人也又曰世莫知其所從來云不知何國人也近讀隋史西域傳乃有何國

艾人

端午日未出于艾中以意求其似人者輒擷之以灸殊有效幼時見一書中云忘其爲何書也艾未有真似人者于明闇間苟以意命之而已萬法皆妄無一真者此何疑耶

坦齋通編 一卷

宋邢

凱  
字廷

畫當作畫

孟子去齊宿于畫畫當作畫字之誤也按史記田單傳聞畫邑人王蠋賢劉熙注畫音濩齊西南近邑也後漢耿弇討張步進軍畫中遂攻臨淄拔之卽此可證

下二條  
今本無

孔子主癰疽



萬章問曰或謂孔子于衛主癰疽于齊主侍人瘠環瘠環姓名也癰疽趙岐以爲癰疽之醫按說苑備述此章凡百八十言而曰孔子于衛主雍雖雍雖姓名也與癰疽聲相近至趙岐時傳之誤也

孝經引詩

孝經章末引詩先儒以爲後人增益然匡衡上疏大雅曰無念爾祖聿修厥德孔子著之孝經首章蓋至德之本也乃知由漢以來所傳如此恐實夫子所引也

犀毗

今之累朱漆而刻畫爲文以作器皿名曰犀皮意海犀之皮必不如是旬奴傳文帝遺單于黃金犀毗一注云帶鈎也按毗字訓厚訓輔若他無所本當作此毗字

旬歲旬月

班史有旬歲旬月解者或有兩說翟方進爲丞相司直旬歲間免

兩司隸注云旬歲猶言滿歲也至旬月往往作十閱月車千秋爲大鴻臚數月代屈鼂爲丞相後云特以一言寤主意旬月取宰相封侯殆不止滿月而已至揚雄上疏艾朝鮮之旃拔兩越之旃近不過旬月之後還不離二時之勞以旬月爲近二時爲遠二時止六閱月則旬月若止滿月與千秋事又不同

### 束脩二義

論語禮記中束脩脩臚也十脰爲束禮物雖微足以爲贄延篤曰吾自束脩以來爲人臣不陷于不忠注云束帶修飾李固奏記梁商曰王公束脩厲節王龔崇樂藝文不求苟得晉荀羨擒賈堅憤其不降堅曰吾束脩自立君何忽忽相謂降耶皆檢飾之義與禮記論語之意不同

此條今本無

### 星有好風

洪範曰星有好風星有好雨又曰月之從星則以風兩註云箕星

好風畢星好兩月經于箕則多風月離于畢則多雨此古法也而孫子火攻之法乃曰起火有日日者月在箕壁翼軫也四宿者風起之日也自箕之外又有壁翼軫三星好風焉意者風角等占自有一家之說耳

遮說

淳熙丁未洪景盧知舉貢一考官大笑絕倒問之則云試卷中有用董公遮說漢王事以公遮爲董三老之名洪曰其下無注文安知其非名邪既撤棘有考官出道此語予曰洪非不知但惡後生輕薄故爲此說耳其人未喻予曰不然則周亞夫傳趙涉遮說將軍涉遮亦趙之名乎坐客皆笑而罷

此條今本無

史事重出

事有重出者人見後之所紀用之既熟而本于前者往往略之如豺狼橫道不宜復問狐狸此前漢侯文對孫寶之言後漢張綱有

豺狼當道安問狐狸之語今人但指爲張綱埋輪事爾鷲鳥累百不如一鸚此鄒陽諫吳王濞之言孔融薦禰衡實用其言今之援引但曰禰衡一鸚耳如樊準薦龐參亦曰鷲鳥累百不如一鸚皆祖鄒陽說也

註書未是

左傳昭公二十四年莒弘引秦誓曰紂有億兆人亦有離德予有亂臣十人同心同德杜預註云今秦誓無此語按秦誓中篇實有之但離心離德改爲亦有離德耳預豈偶忘之耶

執冰而嬉

左傳執冰而嬉杜預以冰爲箭箛初疑其不然及觀詩太叔于田抑釋棚忌註棚冰所以覆矢鬯弓師古釋文棚音冰所以覆矢也馬氏云櫝圓蓋也今韻略注云箭房之蓋棚通作冰乃知預之說爲有據也

郭公

春秋書夏五郭公人皆以爲闕文夏五固無可疑至郭公胡氏以爲郭亡蓋齊威有郭何故亡之間父老有善善惡惡之對然以公爲亡疑其未然按春秋書有蜚有蜚謂昔無而今有也至螽之一字僖文宣哀之世凡六書之而無它說以此爲例恐郭公亦止是一物直書之以記異爾本艸布穀一條江東呼爲郭公豈此物耶

顏孟十哲

子雖齊聖不先父食顏回曾參子也享于殿上顏路曾皙父也祀于廊廡沒而有知其歆祀乎子思師也而列于下孟軻門弟子也而坐于上其亦可乎謂宜別立一堂祀顏路曾皙子思庶存名分

改易地名

詩人好改易地名以就句法如大孤山旁有女兒港小孤山對岸有澎浪磯韓子蒼詩小姑已嫁彭郎去大姑常隨女兒住四者之

中所不改者女兒港耳蜀大散關有喜歡鋪東坡入贛詩山憶喜歡來遠夢地名惶恐泣孤臣自下而上第一灘在萬安縣前名黃公灘坡乃更爲惶恐以對喜歡廬陵志二十四灘坡詩乃云十八灘頭一葉身亦非也

### 伏波

作詩文之類如用馬援字但曰伏波則不可須加一馬字乃是蓋前漢已有路博德爲伏波將軍矣見史記衛青傳從霍驃騎軍有功封符離侯

### 古今涓日

古今涓吉外事用剛日內事用柔日如甲子爲剛乙丑爲柔至爲簡易甲午治兵壬午大閱吉日庚午旣差我馬皆外事也故用剛日丁丑蒸之乙亥嘗之凡祭之用丁用辛內事也故用柔日然社祭用甲郊以日至亦不拘也後世術家旣多互相矛盾褚先生云

武帝聚會占家問某日可娶婦乎五行家曰可堪輿家曰不可又有建除繫辰天人太乙曆家凡七種所言吉凶相半制曰避諸死忌以五行爲主今觀諸曆一日之內有吉有凶當如武帝主一家可也鄭鮮之啓宋武明旦見蠻人是四廢日答曰吾初不擇日此亦可法見殷芸小說

#### 西方聖人

列子述孔子曰西方有聖人佞佛者以爲指釋氏而言蓋妄也國語姜氏曰西方之書有之曰懷與安實疚大事注云周詩誰將西歸西方之人皆謂周也予謂孔子果有是言謂昔文王也于佛何與至王通直指佛爲西方聖人其學可知矣

#### 巫覡致妖

吉贛地近甌粵其俗右鬼父老言巫覡挾邪一登人門妖怪隨至當禁絕之因觀漢武惑樂大之術至封侯賜第大夜祠于家將以

下神神未至而百鬼集乃信父老之言不誣

刑天

洪內翰謂靖節詩刑天無千歲當作刑天舞干戚字之悞也周益公辨其不然按段成式雜俎天山有神名刑天黃帝時與帝爭神帝斷其首乃曰吾以乳爲目臍爲口操干戚而舞不止則知洪說爲是

碧湖雜記

一卷 今本 撰人無姓名

宋蔡來之

臨川人

老饕賦

東坡老饕賦蓋文章之游戲耳按左氏縉雲氏有不才子貪于飲食冒于貨賄侵欲崇侈不可盈厭聚斂積實不知紀極不分孤寡不恤窮匱天下之民以比三凶謂之饕餮說文曰貪財爲饕貪食爲餮然則東坡之賦當作老饕爲是

靖節題甲子



五臣注文選謂陶淵明詩自晉義熙以後皆題甲子後世因仍其說獨治平中虎丘僧思悅編淵明詩辨其不然其說曰淵明之詩題甲子者始庚子迄丙辰凡十七年皆晉安帝時所作至恭帝元熙二年庚申歲宋始受禪自庚子至庚申蓋二十年豈有宋未受禪前二十年恥事二姓而題甲子之理曾裘父艇齋詩話亦信其說然以予考之元興二年桓玄篡位晉氏不絕如綫得劉裕而始平改元義熙自此天下大權盡歸于裕淵明賦歸去來辭實義熙元年也至十四年劉公爲相國恭帝卽位改元元熙至二年庚申禪于宋觀恭帝之言曰桓玄之時晉氏已亡天下重爲劉公所延將二十載今日之事本所甘心詳味此語則劉氏自庚子得政至庚申革命凡二十年淵明自庚子以後題甲子者蓋逆知其末流必至于此忠之至義之盡也思悅裘父殆不足以知之

桑落酒

杜詩云坐開桑落酒來把菊花枝按賈思勰齊民要術造酒門有桑落酒神麴酒其名不一又云桑欲落時造黍米酒可得永年造神麴酒春秋二時造者皆得過夏然桑落時作者乃勝于春又有造桑落酒麴法老杜或本諸此注所謂桑落酒者恐未必然

宮禁不嚴

杜牧之華清宮詩云雨露偏金穴乾坤入醉鄉許彥周謂如此天下焉得不亂蓋以明皇寵幸妃族賞賚無極君臣終日酣宴所以兆漁陽之變耳予聞東都宣政間禁中有保和殿殿西南廡有玉真軒軒內有玉華閣卽安妃妝閣也妃姓劉氏入宮進位貴妃林靈素以左道得幸謂上爲長生帝君妃爲九華玉真安妃每神降必別置妃位畫妃像于其中每祀妃像妃方寢而覺有酒容是時羣臣惟蔡元長最承恩遇嘗賦詩題殿壁曰瓊瑤錯落密成林檎竹交加午有陰恩許塵凡時縱步不知身在五雲深常侍宴於保

和殿上令妃見京先有詩曰雅興酒酣添逸興玉真軒內看安妃  
命京賡補成篇京卽題曰保和新殿麗秋暉恩許塵凡到綺闈云  
云須臾命京入軒但見妃像京又有詩云玉真軒檻暖如春只見  
丹青未見人月裏姮娥終有恨鑑中姑射未應真已而至閣妃出  
見京勸酬至再日暮而退且君門九重睡榻之側豈容它人咳唾  
至令人臣縱步褻飲于其間當時恩幸可從而知矣然極其它日  
之禍殆甚于天寶之季此可以爲萬世君臣之戒

### 潯陽三隱

劉遺民名程之字仲恩遺民其號也彭城人曾作柴桑令與淵明  
同隱淵明有和劉柴桑詩時又有周續之者爲撫軍參軍淵明呼  
爲周掾亦隱于柴桑號潯陽三隱

### 童謠

大麥青青小麥枯誰當穫者婦與姑丈夫何在西擊胡吏買馬軍

具車請爲諸君鼓囀胡山谷親書此帖乃東漢成帝時童謠也後至元嘉中涼州羌寇反抄三輔延及并冀大爲民害命將出師每戰輒負中國益發田卒麥多委棄但有婦女收穫吏買馬軍具車者言調發重也請爲諸君鼓囀胡者不敢公言私相語也

女子作男兒

古樂府木蘭詞乃女子代父征戍十年而歸不受封爵故杜牧之有題木蘭廟詩云彎弓征戰作男兒夢裏曾經與畫眉幾度思歸還把酒拂雲堆上祝明妃女子作男兒其事甚怪五代王蜀時有崇嘏者本臨邛女子黃氏蜀相周庠初在臨邛嘏以詩上謁庠稱之薦攝府掾吏事明敏胥吏畏服逾一載欲妻以女嘏以詩辭之曰一辭拾翠碧江涯貧守蓬茅但賦詩自服藍衫居郡掾永拋鸞鏡畫蛾眉立身卓爾青松操挺志堅然白璧姿幕府若容爲坦腹願天速變作男兒庠大驚召問具述本末乃黃使君之女元未從

人惟老嫗同居此事尤怪

蘭陵王

今樂府有蘭陵王乃北齊文襄之子長恭一名孝瓘爲蘭陵王芒山之戰長恭爲中軍率五百騎再入周軍遂至金墉之下被圍甚急城上人勿識長恭免胄示之面乃下弩手救之於是大捷武士因歌謠之爲蘭陵王入陣曲是也

朝野遺記

二卷

以誓誓目

和議成顯仁后

徽宗后

將還欽廟挽其裾而躡之曰第與吾南歸但

得爲太乙宮主足矣它無望於九哥也

高宗

后不能卻爲之誓曰

吾先歸苟不迎若有誓吾目乃升車既至則是間所見大異不久

后失明募醫療者莫能奏効有道士應募中貴導之入宮金鍼一撥左翳脫然而復明后大喜曰老身久盲是師重朗更煩終治其

右報當不費道士笑曰后以一目視足矣彼一目存誓言可也后惕然起拜曰師聖人也知吾之隱設几而留謝之皆不答才噉茗遽索去后因詢其報德萬一者謾曰太后不相忘略修靈泉縣朱仙觀足矣拂衣卽出時上方視朝也仗下入長樂大驚急跡訪之寂無所得後王剛中帥成都而得旨受金東朝來修玉珍故隱旣圖朱仙像進入儼然當日道士也

### 欽宗神遊行都

逆亮南侵使人至欽宗所犯蹕七百餘人俱受害行都固未知也一日京師舊輦官二人閒步景靈宮前見淵聖衣羽衣入門趨殿輦官駭甚從而迹之無見也一念所鍾神游尙不能忘故國耶

### 相者預見

車駕在維揚魏公方居臺院妙應師館其家一日師自外謂公曰適見城中人有死氣者七八度不應如是之衆此必虜至之徵也

宜早勸上渡江爲要妙應相法極神張氏素信之卽入奏乞早移  
蹕然上意欲觀燈然後南巡也未幾粘罕遽至翠華亟行城中死  
者果無數

高宗無子思明受

方伯彥潛善象安之際外傳北風極勁而汪黃傲然謂無事故上  
亦不甚虞比江都宮中方有所御幸而張浚告變者遽至矍然驚  
惕遂病痿腐故明受殂後後宮皆絕孕高廟中年不樂張忠獻者  
非獨以和戰異議亦迫歸來望思之怒耳

明受之事

苗傅劉正彥之變植虛器于前星欲自恣凶狂耳春宮未辨菽麥  
而魏公在建業乃責倬而殞之過矣睿宗嘗帝數年又爲皇嗣者  
十餘載中宗復位以親王就列德王裕爲劉季述等迫立昭宗反  
正復歸東宮皆諒其非出于己也今明受之殤在鐵塔下父老尙

能言蓋當時併乳嫗皆掩之云

航海衛士幾生變

航海之役及水濱而衛士懷家流言呂相頤浩以大義諭解且怵以利曰先及舟者遷五秩署名而以堂印志之其不遜唱率者呂皆側用印記事定悉別而誅賞之

高宗渡江

乘輿初涉鎮江羽衛介冑間止一黃扇存耳欲發羽檄下四方而庚符不可得朱糝又非立談成者忽遽中取祖廷彤几析而代匱焉

張說負舟

御舟離四明閣于沙淺長年之子袒躍而盪舟憲聖自牖窺之語其父曰兒盡力保護維楫利涉事定我以女弟妻此子故一時舟人盡其忠勞者后此舉見極深遠也舟子卽張說竟與上爲姪至



阜陵時遂本兵柄其際遇昉乎此

越次建儲

莊文既薨孝廟白德壽扶立光宗至宣鎖院之夕德壽故召魏王宴宿宮中泊次日歸邸則儲冊已行而魏邸出麻之宣城矣復見高廟亦有愠言曰翁翁留愷卻使三哥越次做太子帝語索漫戲撫之云兒謂官家好做做時煩惱云

光宗初郊

自上聞貴妃以子故殞哭泣無節初郊宿青城泪不已祀故止而壽仁復至玉津行園亦犯玉女宓妃之戒丙夜將臨星月上皎方入大次服袞冕始搢大圭烈風倏起辟歷一震燎火帘幙皆仆在位者辟易上亦驚僵而雨雹交擊衆皆暗中自抹不暇莫能措手稍霽則已曙亦不容卽禮矣聖體遂苦風眩神位玉帛牲牢皆狼籍所執鎮圭殿中監已授扶持御藥竟不知所在一時第命宰臣

望祀車駕亟歸療疾雖御樓之類悉不能舉矣

重華責李后

重華聞上疾自臨大內撫視時上噤不知人但張口囁言耳壽皇憂且怒呼李后而數之云宗廟社稷之重汝不謹視上使之至此今將奈何一時忿極遽曰萬一不復當族而家既歸東朝召留正責之乃曰以汝爲相不強諫何事正曰臣非不言奈不聽何帝曰爾自後須苦言之若有不入待朕留渠細語之其言止是爾光宗既愈后泣謂曰嘗勸哥哥少飲不相聽近者不豫壽皇幾欲族妾家何負何辜既又聞留正所得聖語謂若更過宮決被留不可還矣光宗已有恇忡之候此語既入故終畏乃父玉輦无近於龍樓云

光宗不朝東內

光廟逾年不朝東內壽皇怏怏一日登朝堂露臺聞委巷小兒爭

鬪呼趙官家者壽皇曰朕呼之尙不至爾枉自叫悽然不樂自此浸不豫

光宗欲速得正位

紹熙在鶴禁有意受終而難發言也數擊鮮于慈福后詢近侍大臣屢排當位何故旁側有奏曰意望孃孃爲趣上爾后笑壽皇至東內從容閑語官家也好早取樂放下與兒曹上曰臣久欲爾但孩兒尙小未經歷故不能卽與之不爾則自快活多時矣後來儲邸度長樂必已及之矣備具狀爲壽者再后不能已語之曰吾亦嘗諭乃翁渠所見又爾光宗岸幘稟后曰臣已白髮尙以爲童則罪過翁翁后無語蓋謂高廟遜壽皇於盛年爾

光宗追恨壽仁

光宗旣退居每追旣往時成敗時自曠罵或慟哭壽仁后輒奏觴以解陶之以是爲常雖宮門外事不欲動其心然久亦覺知矣初

郊祀成恭謝回鑾御樂聲達于內光宗問何事后曰市井爲樂耳  
帝怒曰爾欺我至是尙爾耶揮之以肱后仆于闌自是遂得疾

壽仁終于精室

壽仁后感日者言已有厄於大內靜處築精室獨居以道妝事佛  
病革遂終于此長御欲之椒殿取禮服偶內人有怨后者持鑰不  
啓曰使予憑誰命裨此禕翟既不得周身則相與舉簀以歸于鷄  
儀及半途成妄言風王至則皆委之而走時泰安恍惚內中畏避  
之故也及久知訛傳方再有至者則爲日所暴體色黝然矣措之  
大寢宮人無計致鮑于地以蓮數十金瓶亂其芬洎事聞于外梓  
人進裨幾有小白之泚後葬于赤山邢后之側不久雷震毀殯殿  
人共怪云

寧宗后楊氏

長秋所生母舊隸德壽爲樂部以久次出適于外矣一日奏樂上

以爲不諧中貴人奏近老舊者得旨嫁出今皆新習未能串便欲使已嫁出者通籍復入庶新故參教上可之自是悉還然后母在外孕身以數月矣將及期宦者奏乞復外館高宗后吳氏憲聖后曰第令產仙韶無害也遂誕后東朝禁中三日洗兒憲聖臨眎戲祝云使汝長福祿及吾左右皆失笑雖一時笑言後乃符驗云長秋自是亦養宮中既久新樂純習熟其所生與儔侶俱還民間后乃在楊才人位爲義女而以琵琶隸慈福宮其生在壬午至光宗紹熙之季蓋已長矣今上以嘉邸踐祚于東朝爲重華承嫡主喪故久于彼一日朝長信偶酒後盥手后奉匱以前帝悅而灑之自爾得幸然間至上所久而憲聖知之幾欲賜朴大瑞王去爲力救之曰娘娘尙以天下畀孫一婦人何足惜且是事不可使外人知也東朝雖少解然終不愬然謂王且使楊氏寄汝家候駕回南內却舍而復之故后暫居去爲家而去爲之子瑜自是得幸及阜陵

禮畢泰安易門闕于東華上歸舊東宮以便御視朝長秋復還長信上眷念殊厚然莫能得之韓后既上仙所幸宦官王德謙將詣于東朝憲聖語曰乃翁舊欲吾堂前一人尙不與之德謙頗黠則奏云臣非不識去就敢窺數娘娘嬪御今大內人物如楊美人者亦不乏臣所私見蓋以皇后近上升後宮雜進无敍苟得一人自陛下處賜與官家則衆人方帖伏甚于保愛上躬爲宗社大計非輕憲聖稍解曰汝此言亦不爲无理德謙知有間可乘又使中貴人僂和以爲娘娘尙未見玄孫而楊氏相命皆宜子浸潤鼓扇慈福遂以賜寧宗漸進爲婕妤好時韓侂胄用事知王瑜之舊也瑜遂不得入內時曹氏亦得幸于上韓復左右之故后克自抑勵讀書飾已挾數以御同進者一時故有賢稱韓无自窺之

理宗

今東宮選入實餘杭宗室善下居其間而韓侂胄與善下厚故得

導達也然同時入者亦一二人惟韓后獨喜今儲營因與內人馳逐總角皆鬚髻人欲爲梳櫛者悉不可必得媽媽方結蓋常時后自爲束髮故也由此韓后鍾情遂決爲嗣同入者復出後間繼莊文者亦在當時選中此實天命也夫以雖因善下出入韓氏導達而致而非其人者詎能致哉

### 寧宗立后

韓成恭上仙後後宮爲上所眷者今長秋與媿好曹氏耳時欲繼立椒塗二黨交進曹有姊妹通籍禁中皆爲女冠賜號虛无自然先生者左右街都道錄者皆厚于韓侂胄或謂亦與韓嬖韓侍禁中時多在曹位故鑄金之際意自輕重然曹罕術今長秋能挾數以御之且上意專在楊韓密間之未能奪也先是禁中有二內人懷春而病事且媾各設席以邀羊車欲決此舉二間皆同日今長秋故遜曹使朝飲而已飲于夜曹不悟也逮盱酒甫一再行曹未

及有請則楊位已奏恭肅帝叢矣奏趣重沓上起泊至楊所則自  
從容且遂留寢故能舐筆展幅以請奎章上卽書貴妃楊氏可立  
爲皇后付外施行而長秋復進筆乞又書其一付其兄次山逮曉  
雙出之中貴所受者未至省而次山已持御筆自白廟堂矣蓋后  
慮韓匿上批事或中變故兩行之使不可遏爾

劉蘇善諛

劉貢父觴客子瞻有事欲先起劉調之曰幸早裏且從容子瞻曰  
奈這事須當歸各以三果一藥爲對

避戎夜話

陳宋烈在靖康圍城中作避戎夜話與孤臣泣血錄俱盛行於時  
當虜人欲立異姓御史馬伸論列狀于虜酋而秦檜爲中司以臺  
長同簽故虜悉囚之北去宋烈所載不肯推戴異姓者臺狀以檜  
爲首特以事紀之爾非表其忠誠也已而宋烈至紹興後方以選



舉來改秩甫至都則一舉將事故函謀見闕欲再合契焉人教其謁廟堂者時檜用事客艱于謁宋烈謾納銜名于其府不知檜陰識之久矣既入卽判請一府駭異既見檜逆問曰夜話公筆否宋烈曰有之問來故具以剡削告檜每聽語必下眛若瞑至此舉目曰且理會改官遂索湯餞客陳罔測也檜卽呼天官吏謂曰某人朝廷正欲擢用汝等何得阻其出選限三日改官吏諾歸而傳會文字更易日月以遷就之吏曰師相知此人異日必作侍郎于是羣詣賀于邸中恍若從天而下既問所自乃大喜未及謝檜一夕暴卒

善利將軍

洞庭廟在金沙堆中秋水淼溢風浪號怒故行人必卜之而妖巫倚爲神怪有劉彥者網梢中大頭也入廟爲駛吏憑神以恐舟人逆順行留惟賄施是眛惟劉意是聽易被歸潭劉徵施未厭止之

數日雖欲行而梢人聽于後不肯解維易怒召劉而詰之劉曰神未許也前必與龍遇則危矣易曰今風恬浪靜如此吾舟淹滯已數日今吾系汝于舟尾若如所言而舟覆與汝俱亡苟無風濤善達當以欺誑刑汝遂命僕縛之鼓棹遂行如期抵邑聞之縣杖而逐之彥既死塑于廟以其爲社神而愚俗遂訛爲舍人趙彥勵帥潭乞封于朝被在後省格斥乃已至陳研繼守舟膠于湖禱而克濟遂申前請竟得善利將軍之號焉

感舊詞

張孝純在雲中府粘罕座上有所觀賦一詞云疏眉秀目依舊是宣和裝束貴氣盈盈姿性巧舉止知非凡俗宋室宗姬秦王幼女曾嫁欽慈族干戈橫蕩事隨天地翻覆一笑邂逅相逢勸人欲飲旋旋吹橫竹流落天涯俱是客何必平生相熟舊日榮華如今憔悴付與盃中醪興亡休問爲伊且盡缸玉

六州歌頭

六州歌頭在國初時京東張李二生能之凡作四闕今世傳秦亡  
草昧劉項起吞併鞭寰宇驅龍虎掃櫬槍斬長鯨血染中原戰跡  
餘耳皆鷹犬平禍亂歸炎漢勢奔傾兵散月明風急旌旗亂刁斗  
三更共虞姬相對泣聽楚歌聲玉帳魂驚泪盈盈念花無主凝愁  
苦揮雪刃掩泉扃時不利騅不逝困陰陵叱追兵嗚嗚摧天地望  
歸路忍偷生功蓋世何處見遺靈江靜水寒烟冷波紋細古木彫  
零遣行人到此追念益傷情勝負難憑此追傷項籍者也其一號  
玉清昭應宮者卽追詠真廟者故慈聖光獻每聞必泣下仁宗此  
時尙幼嘗問左右是誰激惱大娘娘左右具言之遂編置二生以  
譏瀆宗廟之罪自後少有繼之者然聲調雄遠哀而不怨於長短  
句中殊雅麗近張安國在建康留守席上賦一篇云長淮望斷關  
塞莽然平征塵暗朔風勁悄邊聲黯銷凝追想當年事殆天激非

人力洙泗上絃歌地亦羶腥隔水旃鄉落日牛羊下區脫縱橫看  
名王宵獵騎火一川明笳鼓悲鳴遣人驚念腰間箭匣中劍空埃  
蠹竟何成時易失心徒壯歲將零渺渺神京千羽方懷遠靜烽燧  
且休兵冠蓋使紛馳驚若爲情聞道中原遺老長南望翠葆霓旌  
遣行人到此終憤氣填膺有淚如傾歌闋魏公爲罷席而入

宣和君臣夔狎

王黼雖爲相然事徽考極褻宮中使內人爲市黼爲市令若東昏  
之戲一日上故責市令撻之取樂黼窘顧曰告堯舜免一次上笑  
曰吾非唐虞汝非稷契也一日又與踰垣微行黼以肩承帝趾墻  
峻微有不相接處上曰聳上來司馬光黼應曰伸下來神宗皇帝  
君臣相諛乃爾

徽宗詞

徽廟在韓州會虜傳至書一小使始至見上登屋自正菱舍急下

顧笑冠冕舜茅茨不翦方取械畀又有感懷小詞末云天遙地闊  
萬水千山知它故宮何處怎不思量除夢裏有時曾去無據和夢  
也有時不做真似李主別時容易見時難聲調也後顯仁歸鑾云  
此爲絕筆

### 銀工家出相

李太宰邦彥家起于銀工既貴其母嘗語昔事諸孫以爲恥母曰  
汝固有識乎宰相家出銀工則可羞銀工家出宰相正爲嘉事何  
恥焉其見高于李守素多矣

### 象簡匾闊

哲廟苦瘵疾不欲人見其面凡臣寮奏事悉以大笏自障象簡匾  
闊蓋始于此

### 忠勇

文水縣西有山險可據保正石頰聚衆據之時抄虜遊騎且斷其

運道數夜犯其小砦粘罕怒遣重兵合攻之遂擒頰釘于車上將  
剛之已剗刃于腹而色不變奇之好謂曰能降我以汝爲將頰怒  
目罵曰爺能死不降爺姓石名石上釘槓更無移易也罕怒寸磔  
之罵不絕聲而死

程敦厚知貢舉

程敦厚子山東坡表兄士元之孫也秦檜善之爲中舍時一日呼  
至府第請入內閣坐候之終日一室蕭然獨案上有紫綾標一冊  
書聖人以日星爲紀賦末後有學生類貢進士秦暄呈文采豔麗  
子山兀坐靜觀反覆幾成誦雖酒肴問勞沓至及晚竟不出乃退  
子山叵測也後數日差知貢舉宣押卽入院程始大悟卽以是命  
題此賦果精衆考官皆稱善洎揭曉乃孫果首選

秦檜妻

秦檜妻王氏素陰險出其夫上方岳飛獄具一日檜獨居書室食

柑玩皮以爪劃之若有思者王氏窺見笑曰老漢何一無決耶捉  
虎易放虎難也檜掣然當其心卽片紙付入獄是日岳王薨于棘  
寺

### 岳王卒葬

孝廟追復岳飛官爵收召其子孫使給還原貲帑主具當日所得  
止九千緡物耳飛握重兵許久家無賸財自是賢矣其斃于獄也  
實請具浴拉脅而殛獄卒隗順負其屍出踰城至九曲蕙祠中故  
至今九曲五顯廟尙靈在大理寺順葬之北山之湑身素有一玉環  
順亦殉之腰下樹雙橘其上誌焉及其死也謂其子曰異時朝家  
必求求而不獲必懸官賞及是汝告曰棺上一鉛甯有棘寺勒字  
吾埋殯之符也後果購其瘞不得以一班行爲賞隗之子始上告  
官悉如所言時無它珠玉爲殯而尸色如生尙可更斂禮服也

澹山雜識 三卷

錢□□ 號湑海野人

族嬭兇虐

予有族叔最直供奉娶宗室女屢殺婢使元符中直爲高郵酒官予曾飯于其家見婢子二人出執酒器口豁逾寸耳垂及項面目淋漓腰背偃僂真地獄中囚徒也駭汗不能食亟出謂叔曰何致若此直但太息不敢言明年聞猝死乃夫又移其長子止與其婿同載歸其婿亦宗室子是其親姪也自高郵攬載客貨并客之二婢至穀熟風雨夜投入汴河其後事敗聞全家死獄中嬭亦鎖囚之云

蠅子入水心亭

張文潛喜飲酒能及斗餘每過先君未嘗不醉吾家酒器唯銀葵花最大幾容一升一日先君以盤盞飲文潛意不快謂先君曰願借水心亭飲之先君卽命換盞且問文潛所以名文潛曰飲必有餘瀝蠅子正飛在盞蓋上豈非人之水心亭乎坐客皆大笑



產鯉魚

予爲海州太守或云郡門外有魚羹飯店家一婦產鯉魚十四頭相續而出極爲痛楚生畢而斃魚獨無恙予初未之信臨行飯于天寧正見其夫爲作齋呼來問之信然

維揚無燕子

予自少年愛維揚欲卜居自竟守罷遂築室于揚亦既五年忽春深巢燕不歸意已疑之默訪諸寺觀州宅皆不至不二年一城丘墟矣

獄囚自脫枷杻

謝寶文景溫初任爲獄官忽倉皇自外入急闔中門家人問之曰但云有囚善作法已自脫去枷杻勢必見害其家有一老獲告之曰可速往取筆楊子楊其兩中指復杻之必無能爲景溫亟出用其言賊遂不能神

東坡借磚

某年十三歲時見東坡過先君具言世有豪傑之士隱而不見于世者吾鄉隱居君子姓名失其世居眉山之中坡節葬時會期日已迫而墓磚未足謀之于人皆曰當往見此君則立可辦也但多游獵又所居山林叟絕未易見之試往圖之東坡凡兩日始得至其居又俟至日昃伏于道左方見其從數騎歸乃整少年也既下馬始通謁少年易服出迎于門外執禮無違坐定問其所以東坡具以告少年曰易事爾已具飯且宿于此當令如期辦所須少頃數青衣童跪進盤殮皆今日所擊之鮮也進酒數大白飲啖旁若食兼數人飯畢始從容對榻翌日遣僕馬送坡下山三日無耗明日且下手破土坡甚疑悔欲罪元告者是夕至晚磚猶無一口至者明日曉視其墓地之側則五萬口斬斬然羅列矣衆皆驚嘆事畢再往謁謝卒不得見送所直亦不得達豪傑士哉

龐安時

龐安時蘄州蘄水人也隱于醫四方之請者日滿其門安時亦饒于田產不汲汲于利故其聲益高余嘗見其還自金陵過池陽先君命予往謁之隨行四五大官舟行李之盛侔部使者一舟所載聲樂也一舟輜重也一舟廚傳也一舟諸色伎藝人無不有也然其人自言重聽不肯入京或謂不然醫之妙亦近世所無也

昭德新編 一卷

宋晁

迥

字明遠涪州人

揚湯止沸不如徹薪制心息慮不如簡緣

夫曲終而奏雅猶勝終不變其淫聲年老而修善猶勝終不改其前過

物生而後有象象而後有滋滋而後有數是知萬物皆有數矣夫人以有涯之數而營無涯之事多見其不知量也

老子曰名與身孰親愚因時展轉別得新意而自言身與心孰親

心與性孰親

昔向子平讀易盛稱損益二卦愚初未詳古人之意今日讀易至此而愛其損卦懲忿窒欲益卦遷善改過損益之要其在茲乎

樂天知命故不憂窮理盡性故不疑少私寡欲故不貪澄神定靈故不動四者備矣一以貫之

水靜極則影像明心靜極則智慧生

植福之道救人飢寒最爲急務若使脫衣與人自忍嚴寒之苦此則難事的不能行者也錦衣有餘見彼窮民受凍必當取其剩者與此至寒之人

夫心者虛靈之府也神棲于其間苟心謀之則神知神知則天地神明知之未有善惡不謀于心者既謀于心則神道知察無遺于分毫則福善禍淫信不差矣

岩下放言

三卷

宋葉夢得

字義

古語多不同或各從其方言亦有造字之初未備假借用之後有正字遂別出如若字訓順未有順字時但言若後有順字故但言順不言若初無二義而後人必妄分別爾雅訓釋最爲近古世言周公作妄矣其間多是類詩中語而取毛氏說爲正予意此但漢人所作爾

揚雄好奇

揚雄能識字親作訓纂方言訓纂已不復見而方言尙存亦不爲无意矣然太玄書用字奇險多前此所无其有據耶抑雄自爲之也有據當有所見自爲之則正字之外別爲一字乃與其以太玄準易同一法門雄言司馬子長好奇不知己乃好奇之甚者而勿悟也

卒語之辭

楚辭言些沈存中謂梵語薩縛訶三合之音此非是不知梵語何緣得通荆楚之間此正方言各係其山川風氣使然安可以義攷大抵古文多有卒語之辭如螽斯羽詵詵兮宜爾子孫繩繩兮以兮爲終老子文亦多然母也天只不諒人只以只爲終狂童之狂也且椒聊且遠條且以且爲終唐棣之華偏其反而俟我于著乎而充耳以素乎而以而爲終既曰歸止曷又懷止以止爲終无不皆然風俗所習齊不可移之宋鄭不可移之許後世文體既變不復論其終爲楚辭者類仍用些語已誤更欲窮其義失之遠矣

### 斛石之辨

名生于實凡物皆然以斛爲石不知起何時自漢以來始見之石本五權之名漢制重百二十斤爲石非量名也之以取民賦祿如二千石之類以穀一百二十斤爲斛猶之可也若酒言石酒之多寡本不係穀數從其取之醇醨以今準之酒之醇者斛止取七斗

或六斗而醕者多至於十五六斗若以穀百二十斤爲斛酒從其  
權名則斛當爲酒十五六斗從其量名則斛當穀百八九十斤逸  
退兩無所合是漢酒言石者未嘗有定數也至于麵言斛石麵亦  
未必正爲麥百二十斤而麥之實又有小大虛實然沿襲至今莫  
知爲非及弓弩較力言斗言石此乃古法打碓以斤爲別而世反  
疑之乃知名實何常之有以妍爲醜以醜爲妍以美爲惡以惡爲  
美惟其所稱此亦學道者之一警也

晉古冢碑

法華人發古冢得磚背有刻字曰晉升平四年三月四日太學博  
士陳留郡雍丘縣都鄉周墟里周闡字道舒妻活晉潯陽太守譙  
國龍圻縣柏逸字茂長小女父晉安成太守鷹揚男諱蟠字永時  
皆鑄成文同此周闡之妻柏逸之女墓也父晉安成太守鷹揚男  
諱蟠者蓋闡之父故獨稱諱但不知妻名活何義字畫極分明無

訛其中無它物惟得銅銚一三足螭柄面闊四寸餘深半之製作不甚工野人來求售予適得之云尙有一石臺高二尺許有花文先爲漢南人取去升平四年至今紹興十六年正七百八十七年自有道觀之殆朝暮爾今吾復居于此未知後七百八十七年來者復誰亦可以一笑也

### 論種竹

山中有竹數千竿皆予累歲手植初但得數十竿且且觀之既久不覺成林無一處不森茂可喜嘗自戲善種竹无如予者頃過吳江以語王份秀才份云竹殊易種但得肥地盡去瓦礫荆棘深根頻以水沃取糞壤更壅培無不可活不必擇時然取美觀則可如欲爲用不若瘦瘠地磽瘠非人力所營或崖谷間自生者其質堅實而肉厚斷之如金石以爲椽常竹十歲一易者此倍之吾居前後多竹椽初未嘗驗既歸一一驗之無不如其言乃知予三十年



種竹初未嘗得真竹微份余不聞君子哉若人

與僧論合

常上人來吾問如來會中阿那律多無目而見跋難陀龍無耳而聽僥伽神女非鼻聞香驕梵鉢提異舌知味舜若多神無身覺觸此是根塵中來爲復在根塵外若言根塵中來彼自無有誰爲受者若言在外我既無內云誰爲外常子大笑若能解此則老氏言視之不見名曰夷聽之不聞名曰希搏之不得名曰微猶是落第二義人生十二時要須常體會此一段事無令冷地有人看見

冥報

予守許昌時洛中方營西內甚急宋昇以都轉運使主之其屬有李寔韓溶二人最用事宮室梁柱闌檻窗牖皆用灰布期既迫竭洛陽內外猪羊牛骨不充用韓溶建議掘漏澤園人骨以代昇欣然從之一日李寔暴疾死而還魂具言冥官初追正以灰骨事有

數百人訟于庭冥官問狀寔言此非我蓋韓溶忽有吏趨而出有頃復至過寔曰果然君當還然宋都運亦不免既白冥官而下所抱文字風動其紙尾略有滅門二字後三日溶有三子尙幼連死其妻哭之哀又三日亦死已而溶亦死昇時已入爲殿中監未幾傳昇忽溺不止經日下數石而斃人始信幽冥之事有不可誣者是時范德孺卒才數月其家語予近有人有事之鄆州夜過野中見有屋百許間如官府揭其榜曰西證獄問其故曰此范龍圖治西內事也家中亦有兆相符會有屬吏往洛予使覆其言于李寔亦然甚哉禍福可不畏乎予素不樂言鬼神幽怪特書此事示兒子以爲當官無所忌憚者之戒

殺降

前史載李廣以殺降終不侯廣何止不侯蓋自不能免其身于公以治獄有陰德大其門閭而責報于天如符契然因果報應之說

何必待釋氏而後知也世傳歐希範五臟圖此慶曆間杜杞待制治廣南賊歐希範所作也希範本書生桀黠有智數通曉文法嘗爲攝官乘元昊叛西方有兵時度王師必不能及乃與其黨蒙幹嘯聚數千人聲搖湖南朝廷遣楊旼討之不得乃以杞代杞入境卽爲招降之說與之通好希範猖獗久亦幸以苟免遂從之與幹挾其酋領數十人偕至杞大爲燕犒醉之以酒已乃執于座上翌日盡磔于市且使皆剖腹劊其腎腸因使醫與畫人一一探索繪以爲圖用是遷待制帥慶州未幾若有所覩一夕登園忽仆于園中家人急出之口鼻皆流血微言歐希範以拳擊我後三日竟死杞有幹略亦知書號能吏歐陽永叔爲誌其墓夫爲將不得已而至于殺彼自有罪固不得辭然既已降矣何至殘忍而重苦之乎此固造物者所不得私也計希範起盜賊其殺無辜亦已多矣然終不以相易蓋不可以欺行也兵興以來士好功名如杞所爲而

有異聞者間有之予未敢以爲盡信而希範之傳不可誣也故予  
出入兵間十餘年所將幾十萬所平治不爲不多非特不敢爲杞  
之爲固自不敢萌于心幕府偏裨數有以奇策相干一切皆謝之  
今退老一壑庶幾幸無憾不然既有希範之聞亦安得不自疑也

玉堂逢辰錄

二卷

宋錢惟演

臨文

### 榮王宮火

大中祥符八年四月二十三日夜榮王宮火時大風東北來五更

後火益盛

予起登樓觀之知是禁中通夕不寐

未明東宮六位一時蕩盡

宮人多走上東華門樓有出不及者焚死

百餘人東宮六位東行第一雍王第二相王第三南陽郡王四行第一兗王第二曹王第三榮王四上即連御廚密邇上殿

二十四日左掖門東華

門並不開朝者皆趨右掖門天明宰相等並立於內東門廊廡之  
下旣而火至承天門西燒儀鸞司使燒朝元殿後閣西至東上閣  
長春殿南廊折南北主廊以絕火勢火遂南燒內藏庫香藥庫又  
東迴燒左藏庫又西燒秘閣史館午時燒朝元門東角樓西至朝

堂救之而止未時火出宮城連燒中書省門下省鼓司審官院是夕燒屋舍計二千餘間救焚而死者千五百人火至夜不絕宰臣樞密兩制是夕並宿禁中是時救左藏庫人尤衆輦出金銀疋帛莫知其數積于城墻之上及燒角樓風急迴東北又燒之烟焰燭天救者不能措手初燒長春殿南廊火自屋內西行忽隔十餘閣而發人皆奔走避之所存惟大內及中書樞密院以西而已二王時無居處寓于東華門樓及夕上召入禁中明日出居於上原驛時焚諸庫香聞十餘里祕閣三館圖籍一時俱盡又大風中有飄書籍至汴水之南者中夕風定火亦止二十五日詔知雜王與中使閻文慶岑守素勸遣火之蹤中人說二十四日欲明火勢漸東來遂折御廚主廊數百人登屋運水時望見宮人相壓死于煨燼中甚衆猶有手足能動者曹王夫人將投火中救之獲免宮人入火者不知其數禁中大樹燒之殆盡所餘者亦焦枯焉惟相王宮

在東南火自西北起王四更破東墻自率宿衛者運府庫等物出之十得七八矣五月三日榮王落遂州節度使降封端王

先領梓潼二州也

其日勸得掌茶酒宮人韓小姐新與親事官孟貴私通多竊寶器以遺之後事泄王乳母將決責之小姐乃謀放火因而奔出有琵琶夫人王大賽者知之受小姐金面不言二十三夜于佛堂前簾上乘炬燕之時因風火遂大作

### 侍宴

九年正月二十八日先于閣門賜食久之召宰臣親王承郎給諫入玉宸殿賜宴其日初入苑東門至苑中西南行至一門百餘步有小亭上坐亭中見訖穿假山中南行至大茶蘼架上賜坐皆石床上面南侍臣東西分列架下有小水分流渡于坐石之側賜酒三行又南登山又有小亭前上山直至一閣其上藏太宗御書及史籍并御製文字命侍臣更讀之乃南過小樓東有閣道上設

繪軸書五臣論等皆列于壁自閣道下瞰皆是梨花夾路如雪標  
枝拂于闌檻間又北行皆在山上山逕中設茶具御坐北卽有御  
製自誠箴紫牡丹歌風琴詩千葉牡丹詩等繪軸却南行至翔鸞  
閣小宴賦詩畢便至流盃亭皆坐藉以方褥流水周繞御盃載以  
龍首小舟泛泛而至其次每一盃皆舟中一仙人執之而來又有  
水嬉千百其狀龍魚皆相隨流泛其饌亦用小舟一胡人捧盤而  
來周徧乃止酒數行乃登象瀛山峯巒峻拔其上珍木異花藜萃  
相映山北址有響石上製響銘在焉山下亭中有石水臺水中朱  
書誠酒銘又諸石筍石壁之上皆朱書御詩至此徧觀賜茶而出  
憩于幄次少頃又召入復穿一石橋跨小池之上覆以茶藤架此  
處又有大橋交陸花卉千品遂至玉宸殿遍觀東一室中有碑文  
又東有石記未暇讀乃宣侍坐命酒于殿內七盃而罷其日惟黃  
門小樂二十餘人行酒者皆中使也閣門使教坊並不預焉蓋深

殿之地非人間矣及出侍臣皆醉焉

家王故事 一

錢惟演

隆遇

先臣開寶九年二月入朝一日太祖召宴後苑時惟太宗及秦王侍坐酒酣詔先臣與太宗敍兄弟之禮命中人翼起之先臣叩頭辭讓繼之以泣方得免先臣太平興國三年入朝太宗詔赴苑中宴先臣時獨臣兄安僖王惟濬侍焉因泛舟于宮池太宗手奉御盃賜先臣跪而飲之明日奉表謝其略曰御苑深沉想人臣之不到天顏咫尺惟父子以同親

保護廢王

先臣初爲台州刺史時伯父廢王侗始嗣立而宿將胡進思怙權亂政侗不能容形于色言且願殺之進思懼乃逼廢侗而以兵迎立先臣時晉開運中四年十二月晦也先臣乙夜至府署且與進



思約曰能全吾兄則敢承命不然者請避賢路進思曰諾先臣始視事于是遷侂于越其後進思違約日請害侂先臣譬說百端進思之請益固先臣察其必有它變乃先遣親將薛溫者往越爲侂守衛且誡曰是行也委爾保全廢王事無大小皆非吾意當死扞之溫旣行進思果夜使二卒持刃逾垣而入侂第侂闔寢戶以拒之求救之聲聞于外溫領徒而入斃二卒于廷中及進思之死侂獲無恙開寶中始以疾終

### 大度

先臣鎮東南日嘗大會賓客食繁臠而庖人因刃傷手以紙濡血紙墮食器中先臣得之遂藏于袖且顧左右曰無令掌膳者知

### 焚案帳

太平興國中趙普再入相盧多遜已罷爲兵部尙書一日普召臣兄惟濬到中書謂曰朝廷知盧多遜求取元帥財物甚多今未亟

行者爲元帥故也請具所遺之物列狀上之辭意重疊冀在必致  
惟濬歸而白之且曰侍中之言侍中者濬也未必不是上旨先臣曰上英  
明大臣有過行卽自行何假吾狀惟濬懼普因與寮吏等又堅請  
曰逆侍中意恐致不測先臣知不可已乃曰汝將案帳來吾與汝  
審視之乃盡取當時所與大臣近密財物之類籍俟惟濬等退命  
火悉焚之旣而召謂曰我受主上非常之恩是以入朝之初覩上  
所顧遇者皆以金幣爲之土物耳且非有它求爲上故也况侍中  
而下皆有之何獨虛相豈有見人之將溺而又加石焉汝等少年  
勿爲此案籍已焚之禍福吾自當之惟濬等惕息而退後果知其  
事非太宗意焉